

杜衡先生原稿

劍壁樓詩集

葉恭綽題



廣州詩學社刊行



62043247



上海書店
冊數 <del>1</del>
售價 0.40

## 劍壁樓詩序

言為心聲，詩尤心聲所寄，情志鬱蓄，發為韻語者然耶。虞書曰：詩言志，歌永言，故孔子謂不學詩，無以言也。是故生詩以興以賦以比，或頌揚刺諷，均採有補世道為歸，綺靡臃麗，殆餘緒已。嘗考國詩作家，各挺瓌異，要亦以風格俊逸為重，劍壁樓詩慕，其擅宗乎。雖然，樓主杜衡君從未以能詩自方，集坐志乖遇，積鬱憤發，所謂孤桐朗玉，自有天律，別為嶺南精出一格，是不可不名世也。杜君字湘俊，早歲畢業於日本早稻田大學政治經濟科，為梁任公先生入室弟子，疑難問答，甚得師閱，加以積年奮學，故其蘊抱，頗不自輕。然被褐懷玉，又不願向恒流鉅子自炫，泯泯獨默。予過從聆其政見讜議，察

其篤學勵行，驚為國器。惜其坎壈牢落，不蒙國用，是大可哀已。杜君詩宗劍南，少壯劬於治學，恆少為詩，中年始漸多，然自謂沈勁不及翁山獨漉，雋雅不及詠蘭二樵，剴切不及哲菴晦聞，雄邁不及公度滄海，殆自貶耳。杜氏昆仲，乃兄惺父乃弟蔚侯均能詩，曾有堽麓集刊行，所謂風雅萃於一門者歟。

台山陳炳權識於廣州大學

中華民國三十七年九月十日



# 劍壁樓詩集目次

序

△東渡（甲辰）

△富士山（乙巳）

△日英締訂攻守同盟感賦

△贈臣秀吉

△遊鎌倉弔元使杜世忠何文著等廢墓并閱所陳鏡

青

△奈良大佛（丙午）

△西本願寺歌

△詠楠公父子各一首

△琵琶湖釣一日

△次門司與宮岡憑弔原平戰處（丁未）

△價二辰丸事件賠罪辱國，在錦輝館開會反對，

與某派起衝突，被捕廿八人，梅田拘所，賦示

譚君學藝（戊申）

△航中即事

△奉母遊南昌訪故宅

△隨湯師覽頤遊杭，住發苑一日，早午晚園景不

同，分詠四絕（己酉）

△宿上海愚園

劍壁樓詩集目次

六 五 五 五 四 三 三 三 二 二 二 二 一 一

△悼秋瑾女士死國（庚戌）

△詠水僊代女友題繪裝書

△早稻用宿舍寄內子

△戲賀吳靜莊女士放足

△黃君豪詩擅香齋仿體囑作二首

△絕居停女櫻井示愛（壬子）

△聞松坡走滇起義次韻任師（丙辰）

△同門蔡君松坡發難討袁詩壯其志

△聽牧晉憂慨時事（壬戌）

△清明日，詣海珠烈士墳場，致祭湯師覺頓

△北京妙峰山訪皇姑寺遺址

△無題（憶銓女友作）

△四洮鐵路車中

△赴眉溪訪劉校長蕙父釋隄途占

△奉直戰起聞某方勾結日本自重，憤賦。

△秋趣八首

△郊望

△國力空虛，外患危迫，向當局極陳內訌非

計，竹籟鴉咎幾蹈不測，賦此愴然。

△哭庵無雙二句戲綴成之

一

一 一 〇 〇 九 九 九 八 八 八 八 八 七 七 七 七 六 六 六 六





- △遊廣州淨慧公園 一九
- △觀煙渚於軒兩名手養象棋 一九
- △送內人隨三嫂與七弟婦之青島 二〇
- △壬申八月，由武漢卸職歸里，躬耕習勞，二  
，堅時作，知交復鮮，悵然書懷。 二〇
- △閑居 二〇
- △掃庭 二〇
- △宵雨滲漏，曉起書所見。 二一
- △漫興 二一
- △幽居 二一
- △齒痛喜愈賤謝渾臯梁醫師（癸酉） 二一
- △遇暮寅吳退舟，憶述秣陵宦時舊事。（甲戌） 二二
- △東北長淪感憤再賦 二二
- △偶談閩亂賦示邱十 二二
- △秋病 二三
- △汕頭問路不諧潮語 二三
- △遊福州西禪寺越宿邁翁堅約再遊鼓山 二三
- △假日詣南臺高峰茶棧暢談半天 二三
- △贈虎戒寺僧靈海師 二三
- △廈門公園所見 二四
- △罷福建省府參議二首 二四
- △友人葉某富閩十金遭拒歸途憤占、 二四

一九  
一九  
二〇  
二〇  
二〇  
二一  
二一  
二一  
二一  
二二  
二二  
二三  
二三  
二三  
二三  
二四  
二四  
二四

- △衡門（丙子） 二四
- △約山月同訪曼殊 二四
- △奉派連山出高峇探礦示登山隊員 二五
- △赴南路調查實業車過石城 二五
- △由欽適廉過靈山失路 二五
- △馬涌橋小住 二五
- △住港金龍臺隔窗遙望對戶 二六
- △宵酌悶熱 二六
- △丙子中秋後一日，昕明家濂兩秘書，約遊越  
秀山小飲，是夕惜介老未至。 二六
- △退食 二六
- △菘齋齋晚飯後作 二六
- △丁丑暮春示邱君裕生 二七
- △醉與山月談佛戲占二絕 二七
- △贈世交李參議懷霜 二七
- △丁丑初夏，偕定一漢明中聲諸彥，遊清遠太  
和洞。 二七
- △惜愷藩山月桂筵泛舟荔灣 二八
- △甘泉雅集，步山月渡蒼宇雲諸君和女詩人原  
均，并示愷兄。 二八
- △王廳長聲言須用過量人物，故衡雖辱莫愷兩  
兄聯薦，不調遂止。 二八
- △和抱香雪筠兩先生詠榕蔭園木棉 二八

二四  
二四  
二五  
二五  
二五  
二五  
二六  
二六  
二六  
二六  
二六  
二六  
二七  
二七  
二七  
二七  
二七  
二八  
二八  
二八

- △蘆溝橋雪起，蔣委座下令長期抗戰，敬步陳校長原韻。 二八
- △措大詩多沈鬱，情境使然，秋愁示慈公。 二九
- △抗倭聞捷賦寄葵明副帥長（戊寅） 二九
- △痛山東不戰坐陷 二九
- △戊寅春，三兄僅父，六弟蔚侯，先後各由魯寧返粵，相叙素社村可憫，詩以誌歎。 二九
- △民廿七年四月四日，喜台兒莊殲敵大捷，賦示寅侶。 三〇
- △送黃生回山西抗敵 三〇
- △聞閩老槍決軍長李服膺誌事 三〇
- △民廿七年十二月十三日痛南京失陷 三一
- △哀廣州 三一
- △戰中山富灣望西樵山 三一
- △家鄉淪陷後作（己卯） 三二
- △民廿八年四月十六日三阮遇盜投破寺一宿逃 三二
- △避地韶石質廡江氏慶園 三三
- △南潯線克祥符觀寄一五九帥宗武 三三
- △聞中條山我軍殲倭大捷 三三
- △湖北大捷 三三
- △贈繹秘書兩山 三四
- △韶連路過稱架山默占（庚辰） 三四

- △和兩山將別杏花館留作次原韻 三四
- △兩山貽詩嘲盼遊女，步和解嘲 三四
- △省府移韶步和顧廳長李高別三江原韻 三五
- △再和示桂老競秋 三五
- △和兩山將別三江留作步原韻 三五
- △兩年由省府向三華連縣韶關，輾轉五徙，卸裝黃岡村，賦示龍秘書公福。 三五
- △黃岡官舍示友 三五
- △兩山居萬松山館甚湖步韻和作 三六
- △道堂寓湛，訊內地後方情況，詩以答之。 三六
- △由韶石以酒步回靖村 三六
- △悼吳將軍子玉 三六
- △庚辰花朝散策 三七
- △戰時禁酒每酌以茶代之 三七
- △粵北大捷參觀戰利品 三七
- △書懷（辛巳） 三七
- △重到南雄有感 三八
- △消江傲屋 三八
- △步韻和袁教官自珍 三八
- △由南雄跨自由車赴韶關途占 三八
- △戲作迴文詩題馮秘書啓中紀念小冊子 三八
- △公餞何視察家濂即席限十分鐘賦 三九



△戰壕洵急廣東地方行政幹訓團奉令西徙途中示軍員 三九

△補廣東省府科長僚舊來慰賦此示之 三九

△葉閣老恭紳別除三十一年，近寓港，與家兄惺父柳亞子江霞公諸彥聯社賦詠，因便，箋寄一律。 四〇

△李參議浴日在連縣舉行婚禮衡在坪石趕賀不及補贈誌喜 四〇

△辛巳車到贛州二首 四〇

△簡柳社長亞子 四〇

△再簡柳亞子 四〇

△夜聽榜人諺有懷羊石 四一

△戰後過清遠 四一

△遊端州，張秘書百川招飲倚岩樓，舊雨重逢，不覺沈醉，即席賦贈。 四一

△七星巖 四一

△過硯洲慶德農場，訪吳校長功補，多年間澗，相見悽愴，賦和步原韻。 四二

△遊丹竈 四二

△芙蓉山吊李峙山墓 四二

△贈黎君伯敏并示國彥七弟 四二

△籌設火柴廠維舟武江 四三

△譙五勵社即贈伯敏贈三定字儀敏諸昆，并示蔚彥二棧。 四三

△郊居 四三

△鳳田野店小飲 四三

△雲瀧別業 四四

△鳳田即景八絕寄吉庵伯理諸昆並示仲兒 四四

雙崖倒影 四四

碧岫吹雲 四四

楓橋扶醉 四四

築壩歌聲 四五

午夜聞鐘 四五

山房結翠 四五

江陂飛柯 四五

栖鳳山居 四五

△衛齋感事（壬午） 四六

△卽事 四六

△罷讀賦示蔚弟 四六

△題蔚弟棉市春光圖 四六

△慈公由失地亡歸來訪越二宿爲詩脫之 四六

△曉課城兒詠書剝芋充飯 四七

△蘭圃漫作二首 四七

△壬午踏青過抗日陣亡將士墳塲聞哭聲悵憶故鄉淪陷丘墓	四八
△兩山秘書內艱，國難僻村，懇辭臨吊，因其香燭，為詩輓之。	四八
△詣浴日廬，覺韻占和枯桐，兩山，啓珊，錄生，一真，曼凝諸客二首。	四九
△寄蜀中示果安昭麟諸弟姪	四九
△寄重慶李主任修天（癸未）	四九
△廣軒睡起作	四九
△借漢山訪官塲愛國工廠盧老闆導游妓館一晒過之	五〇
△覺是	五〇
△延壽寺孤居	五〇
△野處	五〇
△村屨遺悶	五一
△住江陵每日投釣感舊有作	五一
△寒峭總監作楨	五一
△次韻和侯君鐵梅	五一
△花壇曲	五一
△壬午九月，蘆苞再陷，主座擬委余任三水縣長，召徵同意，竊以狃習拘牽，基層地壞，情炎勢熾，知必無可為，辭謝讓賢，非放責也。元積詩一折腰不是淵明懶，作吏元非叔夜堪。○一余又豈可無詩。	五二

△若談	五三
△饒故友金軍法執行監巨堂	五三
△張上將自忠挽歌	五三
△溪村養後桃花愁開	五四
△遇蚌埠故交憶遊鳳陽皇覺寺	五四
△次衡陽陪何經理綬章歡餞會部長	五四
△由衡陽趁小輪往塚化龍作	五四
△抗戰六週年紀念日，黨部周君振民，選新體宣傳詩數首索步，惜予未諳，因賦短歌應之。	五四
△次衡陽送黃少將思九回太原占贈二絕	五五
△八月廿八日經濟部火柴專賣公司，召開評價會謝不出席，撥忙遊半天。	五五
△癸未冬余居鳳田，韶市同業公會函推代表歡迎火柴專賣公司劉總經理，不赴，賤詩答之。	五六
△夜訪周禪公聽琴途次	五六
△踏歌	五六
△借廡乳源雲門寺	五六
△野趣	五六
△甲申元日作	五七
△與伯理吉庵秋雲趁鳳田墟，途約丘副鄉長超華，同醉村樓，蒸炙糕巴下酒。	五七
△詠圃後老榮	五七



△春日赴示邱君慶儲

五七

△仲彝由陷區黎家抵韶悠談竟夕

五七

△折杖行

五八

△參觀三十六對愛侶集團結婚

五九

△與顧技師山麓賽棋

五九

△陰曆四月八日作

五九

△昨夕智生招飲樊樓，洪醉失謹，陪擊偵吏於地，深悔孟浪，韻述適自慚慚已。

五九

△臨嘗

六〇

△蔚弟供職馬場，甚少回宅，過叢園，見賭姪遊戲得句。

六〇

△涼橋

六〇

△偶述

六〇

△問來臨碑自遣

六〇

△午飯二首

六一

△村居述離索

六一

△尋聲

六一

△參觀奇峯高足趙君少昂畫展

六一

△隨家兄惺父登獅巖望九子峯層障

六二

△閑遣

六二

△空襲長句，踞壕默占得半，歸實足之。

六二

△聞我國參加開羅會議偶賦

六三

△雜詠

六三

△畫師黃君璧為蔚弟作繪棉市春光圖和酬一絕

六三

△嶺山觀訪記

六三

△老梅偃臥籬缺，斜株壓花，交春，伸挺有起勢，賞詠長句。

六四

△春近肆飲，逢周姑長偶談。

六五

△一臥

六五

△過度頌詠梅

六五

△臥讀樊川集入夢

六五

△韶市電燈久滅隕坐口號

六六

△詠柳示仲彝

六六

△贈村叟張神聰

六六

△尊父遠出天津寄詩，有「論詩譬壯一千集，先許棉城老少年」句，過譽慙悚，惟老少年三字尙幾，因賦八句。

六六

△飯後放舟暹玩江月

六六

△書感

六七

△戰時物價暴漲，豪猾乘機發國難財逾千萬者甚多，迂儒守志絕糧，憤作詩以示阨陳同病友。

六七

△窮居草茅，遠聞國事感賦。

六七

△觀本法師移錫南華，訪晤根觸，因詠長句奉贈。

六八

△寄率鄧中委青陽萬懷

六八

- △聞仲彝將適蘭州辦實業，歎美神奮，詩以自壯，並壯其行。 六九  
 △送岑仲彝之蘭州 六九  
 △過董村禪定寺 六九  
 △初夏腴浴乳源溫泉 六九  
 △穀雨感事，更正勃鬱之作。 七〇  
 △休居 七〇  
 △黃牛江 七〇  
 △甲申穀雨與妻散步黃屋茶子園作歌 七〇  
 △夏詠寫聞 七一  
 △偕陳伯理老弟攀探飛騰峯第一泉 七一  
 △家兄惺父寄示贈觀本老和尚詩，並附觀本師和作，步韵賦酬。 七一  
 附惺兄贈觀本老和尚原作 七二  
 附觀本師和作 七二  
 △游彭家舊園所見 七二  
 △烏枝 七二  
 △戰荒弔常德二絕 七二  
 △偶檢十六年前條陳當局文稿，夾存舊作一律補錄留念。 七三  
 △甲申六月廿四日賤辰，家人謀進壽膳，笑却之，因賦。 七三

- △醉詠 七三  
 △溪風吹艇入荷蕩中暢甚 七三  
 △栖遑 七三  
 △窮巷 七四  
 △散策城村澗間覽江景 七四  
 △鎮江祠秋賽，順往豐田澗南岸一遊。 七四  
 △與書始妹倩遊外海茶庵清瀾二寺 七四  
 △秋感赴齋僧寺作二首 七五  
 △舊寅馮何兩秘書來試釀酒，適陳公治平在座，一笑詠律句。 七五  
 △殘秋夜坐作 七五  
 △謙安周禪公席間我最年長 七五  
 △偶讀南海物質救國論書後 七六  
 △通俗病 七六  
 △豐田坳山徑喜遇陳處士公鐸 七六  
 △憤賦八首，間嫌辭鋒欠藏，姑錄二。 七六  
 △贈馬渡維公子平 七七  
 △讀陳處士公鐸賦詩，并辱來訪，喜賦排句寄酬 七七  
 △飲西郊酒家出門頽倒 七八  
 △讀宋明亡國史實書後 七八  
 △閩報占韵誌事 七八  
 △野語 七九



- △勝利歌 八七  
 △戰後返羊城，實慮復被摧毀，歸無所宿一歎。 八八  
 △兵戢，喜兄弟重會穗垣，兩總情話，誌賦截韻。 八八  
 △戰後公務員絕無保障，新官上場，則舊員裁盡，某府舊識何君，從難轉徙，服物亡切殆盡，被裁尤落，一家顛連，謀養子女度活，予哀之勉贖五千金，趁難民船，作詩送其回里。 八八  
 △吳君子楨函勸入黨，謂向後黨外簡銓不易，附辱注愛，却甚蠹測予心，復緘，勉附八句。 八九  
 △何部長受降日軍，口賦自和。 八九  
 △聞中央公佈外蒙獨立深歎而悲。 八九  
 △過港訪晤黎兄伯敏即贈 八九  
 △詞客潘飛聲蘭史，為港聲妓梁秀孃繪抱琴圖，一代名流，吟贊滿幅，港陷，移藏樵雪樓，樓主黎伯敏翁，出軸索題，因詠四截句。 九〇  
 △會席入偶論時批，詆發接收財與發救濟財者非是，重招讒嫉，肆某顯派員偵伺，躁言生禍哉，却又一詩了之。 九〇  
 △程君業驥，約奧加拿大館西采，並赴梁欣生兄席，被酒而詩。 九〇  
 △贈阮君退之二首 九一  
 △聞軍委會夏總參議斗寅，及齡退役，寄呈。 九一

- △余長官調鎮衢州，李處長烈崙餽餅辭行，賦示惜不及。 九一  
 △惜漢山卓然麗琛，墟園品若。 九一  
 △予詩怕縛束，公鐸偏吟「小樓春雨杏花飛」七字索綴。脫小字，被割牛肝嫩藕，酒二觴。 九二  
 △守貧示公鐸 九二  
 △歡迎棗訓總隊來村分駐官佐 九二  
 △調公鐸一律 九二  
 △病起理琴閑遣 九三  
 △新穗垣建設觀感 九三  
 △雨山遷宰翁源附書却寄 九三  
 △觀楊女士海泳二絕戲示凌六 九三  
 △天趣 九四  
 △里社，爭矜顯舊為榮，雖笑柄，亦饒詩趣。 九四  
 △久客，有懷愜父家兄，蔚侯國彥二弟。 九四  
 △諭城兒 九四  
 △歐陽宴招，有歸僑幻法助興，驚座捧腹。 九五  
 △訪澹筠廬 九五  
 △秋階閑屨得句 九五  
 △途值故交楊檢察官伯臯，北返新城任次。 九五  
 △秋日閑遣，重到江氏廢園。 九六  
 △積雨感時，偶疊前韻作。 九六



△澹筠廬雅集拈韻得緣字

△江門道中

△夢醒得句不安，曉窻再賦。

△占答硯農兄持贈畫幅

△洲心準提誕日

△客至

△自贈

△賦得如何（得何字）

△戲代硯翁題繪漁幅

△歸村慨作

△族弟梅和，任粵財政廳長，喜陪謁祖典禮，為詩贈之。

△公烈股長為予措大看相占此一笑

△物性二首

△宵飲

△聞（以題為韻）

△攝影瀧水，疊聞韻誌游。

△痛所見

△友勸競選國大代表筆答

△風雨歸途作

△放顛

△可憫即事

九六

九六

九六

九七

九七

九七

九七

九八

九八

九八

九九

九九

九九

九九

九九

〇〇

〇〇

〇〇

〇〇

〇〇

〇〇

〇一

劍 璽 樓 詩 集 目 次

△家老怪兄見示「閱報費詞」一首賦和即呈

△品茗

△夜讀，聞國共軍事頗有伏櫟投閑之感。

△偶抽咸韵得二絕記事

△投閑

△記趣

△曉起

△春日寒甚漫筆

△即事寫詩，隄聞巷語結句。

△劣作

△夜夢公鐸來，謂赴臨江軍幕醒枕誌懷。

△可園屏居作

△絕放示老妻

△接陳處士公鐸噩計，呼哭愴心，阻於盜，莫能馳祭，惟集贈撫卹其家，哀深，輓詩三廢，不能成律。

△退讀

△送凌六遊馬來半島

△半牢騷作

△聞某將軍避居香港惜之

△代同宗賦酬杜司令長官聿明

△邀仲彝澹筠二兄來試虎骨木瓜酒

一〇一

一〇一

一〇二

一〇二

一〇二

一〇二

一〇二

一〇二

一〇三

一〇三

一〇三

一〇三

一〇四

一〇四

一〇四

一〇四

一〇五

一〇五

一〇五

一〇五

一〇五

一〇五

劍壘樓詩集目次

一一一

△詠俠小紆感託

△贈巫副局長惺藩兄

△感時自惜，此日，以詩鳴之。

△火車中默作

△清游遇雨

△夜賦（時住雲浮南鄉）

△憤時事

△閑放寄意

△偶作呈惺兄兼示蕪弟

△排悶

△痛國共和議決裂，雙方積極用兵。

△聞某賈競選國大代表失敗，耗財十億圓，一笑。

△公園閑作

△丁亥除夜二首

△元旦慨詠

△戊子春，六弟生辰飲席，卽賦歌之。

△徙居

△破曉

△正月十二夜，澹筠招予同默齋仲幹各賓歡飲珠園花下。

△倦讀

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

一一〇

△山遊

△春閑雜詠

△向某公條陳金融整理計劃

△條陳久未批答誌歎

△正月十六十七兩日終風甚暴諸友戒不果來

△美睡清思欲憊

△步和仲幹元韻兼簡默齋

△簡陸蘭因同學勸勿北上

△拜祠後饑甚得酒偶吟

△夜閣約客游獵

△諷某君別戀

△赴沙灣舟行誌快

△值舊識漁老羨之

△由雲浮縣尋田鑛場，借薛技師其縣，陳隊長綽，申隊副元東，羅保長石雲，暨專家馬伯鈺彭文基等一行十二人，取道大金山金子窩，前赴雲霧山麓探鑛，山旅旬日，僅占八句誌事。

△二月十四日小雨復晴，赴黃世講婚讌後作。

△雜感

△小述

△經花埭遊魚珠

△誌歎

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

一一一

△與仲彝澹筠二翁談至深夜

一一六

△口占代友題畫

一一六

△談內戰不弭誌痛

一一六

△黨某謗予誹議近政有友代辯來告因作

一一七

△清栖

一一七

△游金剛山破寺

一一七

△龍逕川記事

一一七

△珠園遣興卽示澹筠仲彝默齋

一一八

△春朝自詠

一一八

△卽賀蘇默齋翁雙親八秩壽慶

一一八

△水浸

一一八

△可園卽事

一一八

△戲嘲對戶婆子頻詬

一一九

△派潭道中

一一九

△獨夜慨時作

一一九

△坎珂（賤寄果安弟）

一一九

△野屋

一二〇

△送鄧處士蘇叔回豫省洛寧與默齋仲彝分韻作

一二〇

△宴珠園步韻卽和澹筠原作

一二〇

△居鄉閒眺作

一二〇

△山居漫成

一二〇

△贈同邑李孝廉衛臯

一二一

△半雨得句

一二一

△贈馬教授小進并謝讌招

一二一

△題陳博士公達寶瀛攝秀圖

一二二

△題廣州大學校慶紀念畫軸二十二絕

一二三

# 劍壁樓詩纂

三水杜 衡穩

## ●東 渡 (甲辰)

徐福渡東海。云求不死方。舜水與梨洲。去國傷明亡。嗟余僅弱齡。赤手復扶桑。出門別慈母。熱淚浮雙眶。出郭望橋陵。雲嶽窮蒼茫。男兒志弧矢。誓在邦家光。蓬山列壺嶠。負笈勞梯航。甲午恥未雪。遼東戰方張。春帆度馬關。憤懣摧剛腸。日本三島耳。史籍蠻夷鄉。明治始維新。變法圖自強。祇今卅七年。國勢稱隆昌。我來何所學。欲究神武章。渣滓去其短。精華攝其長。歸納在國力。無力同枯僵。兵財教三罄。詢爲千載防。振我中國魂。雄風何泱泱。

## ●富士山 (乙巳)

一嶽東陲插島原。曉扶旭日出天門。雖云富士山雄峙。祖侍崑崙已稚孫。



●日英續訂攻守同盟感賦

明治定國是。遠交而近攻。勵政修戰備。締盟聯島雄。高麗社已墟。覬覦當滿蒙。支那四百州。早在垂涎中。英國慮屬地。防俄南略通。勢利互朋比。權宜暫苟同。可云國際間。都是飼狙公。

●豐臣秀吉

囊智猿公未見深。碧蹄一戰下雞林。須知中日原兄弟。作俑侵華錯到今。

●遊鎌倉弔元使杜世忠何文著等廢墓並閱所陳鎧冑

兩國交兵不斬使。兇殘莫過鎌倉吏。我瞻遺鎧禮荒境。千秋滿掬同情淚。立春二百又十天。日本年年颶風飄。舟師十萬壓筑海。元祖胡爲不察先。颶風扇海偶妨功。傾國豈再無朦朧。坐揮長策控歐亞。頗惜六合遺其東。

●奈良大佛（丙午）

跌坐莊嚴姑射阿。奈良大佛何嵯峨。我疑不是全銅鑄。礎負蓮臺陷不多。

●西本願寺歌

本願寺。宣和光。羅馬教皇兄弟行。全國寺院置轄下。戒律經文傳十方。僧

家內寵椒房貴。

僧正妻乃大正皇后胞姊

香案排鷓侍玉皇。

僧正大谷爲貴族院議員

日本政教本一致。國力宣

傳原佛意。講座宏開善誘門。家家聽法同參寺。巡迴講席近輜軒。統一民心猶振響。梵王宮。獅子吼。日居無教誰之咎。我國經筵偈太深。不諧俚耳徒狺狗。

●詠楠公父子各一首

○血鏢模糊菊旆清。深讎大節古難平。閑叅湊水楠公社。謾謾松傳訓子聲。  
○忌孝求全豈惜生。勤王孤奮族郎兵。四條啜畔櫻花落。如意輪堂憶正行。

●琵琶湖筌釣一日

水絃山軸琵琶湖。蘆花一白秋黃蘇。湖上老松偃石嵎

此松傳已千年

湖下莎草青芋

芋。天產小鱗稱龍雛。明治喜薦櫻筍厨。時鮮珍饌天下無。人口膾炙傳京都。假期偶約遊釣娛。簞筌入水不畏濡。得魚盈壘喜且呼。可貴美釀傾十壺。朵頤大快如賜醕。滋味但遜我國松江鱸。

●次門司與宮岡憑弔原平戰處（丁未）

赤石斑斑臥絳櫻。當年血戰憶原平。無情浪浪門司水。猶作追亡戰鼓聲。

●憤二辰丸事件，賠罪辱國，在錦暉館開會反對，與某派起衝突，被捕廿八人，梅田拘所，賦示譚君學夔。（戊申）

龍性騰拏不退藏。八千里路血玄黃。緋袍笑殺孫供奉。烏面生來王鐵槍。幾輩南冠囚楚客。當年北傳走名王。錢塘十萬潮頭怒。一夜胥濤起怒滄。

擾擾雞蟲歎不辜。而公小事卻糊塗。傷心杞國憂天墮。留命桑田看海枯。從此燒城知赤舌。那能夷涕到青蒲。願隨大樹將軍去。廿八人中有此呼。

寶劍沈江我刻舟。無人不笑蠟槍頭。固知啣石難填海。生怕封侯故竊鉤。臘至畏聞三蠹訟。朝來誰爲衆狙謀。都亭尚有埋輪在。成敗依稀貉一邱。

不是厨營阮步兵。窮途號哭總無名。固知遺患難馴虎。豈肯逢人便負荆。半局敗棋殺黑白。一般鏡舌任彈抨。詣臺待命臣知罪。百口連呼以累卿。

筆楚塵埃百不因。却來鬧處作閑人。雖云公冶遭縲綫。不復昭王問水濱。余眼盡枯愁貯淚。此身尙愧未成仁。英雄事却難能事。吳越春秋看臥薪。

咄咄書空莫怪冲。倔強負恃太沽忠。王臣蹇蹇元无咎。帝網重重未苟同。尙有舌頭存口內。豈無面目見江東。孟嘗座上三千客。畢竟雞鳴狗盜雄。

博浪橫椎擊乘輿。智如公子計何迂。髡爲季布終亡命。烹作鄴生正腐儒。祇笑蟆頭空啖月。須知螳臂莫當車。英雄末路君看取。黃犬東門我不如。

幾時生入玉門關。馬角烏頭我卻還。漢月有華寒兩戒。海雲無意失前山。作奴箕子知公賤。下獄韓非悟說難。遺恨使胡蘇屬國。窖中團雪和氈餐。

●航中卽事（戊申）

檣頭弦月半昏豔。夜塔明燈島嶼迷。我是憂然掠舟鶴。一聲長笛海雲低。

●奉母重遊南昌訪故宅

母坐篋輿兒跨驢。洪都遠訪舊門閭。東湖湖畔冬青宅。人譽書家杜令居。

●隨湯師覺頓遊杭。住叢苑一日。早午晚園景不同。分詠四絕。（己酉）

① 暝色侵櫺未散陰。曉聲早已出桑林。且留清夢盡朝寢。門鎖梨花春更深。

② 春簷宿雨翳朝陽。魚荇風軒坐冷香。花影滿池看倒映。水藤牽綠出紅牆。



③竹雲池館翠亭亭。深柳藏春鶯未聽。寂靜書窗橫鶴影。清颺微蕩護花鈴。  
④庭暗芭蕉已聚蚊。歸鴉林墅坐黃昏。山鐘一撞暮村隱。放鶴亭高生紫雲。  
●宿上海愚園

園亭夕借一欄憑。花萼池臺旅興增。默念相交澹如水。當頭明月是良朋。

●悼秋瑾女士死國（庚戌）

朱殷血點班姑史。死後蛾眉我拜遲。

女士曾住東京小石川女子大學右側松乃家，女寓僅隔一丁目，鄧石瑞嘗識之，予惜未拜面。

欲賦

招魂招未得。秋風秋雨滿城悲。

●詠水僊代女友題繪葉書

淩波仙子步無塵。未嫁雲英掌上身。冷豔不教繁豔妬。一生臨水怕依人。

●早稻田宿舍寄內子

①微颺院落冷春苔。燕子今年無復來。最是山花情不改。碧桃枝朶入牕開。

②歸鞭遲過柳抽條。蟾子飛飛又一朝。怪道春鶻啼不了。淚痕紅上木棉橋。

●戲賀吳靜莊女士放足

春雷驚蟄筍鬆筠。不羨凌波賦洛神。從此木蘭市鞍馬。蠻靴策策踏征輪。

●黃君豪詩擅香奩仿體嘲作二首

○舞鏡孤鸞惜翠輦。妝樓慵倚下絳幃。郎言寒食廉纖雨。春漲桃花泛棹歸。

○鴛鴦輕槳蕩迴塘。爲擷蘋花飾晚妝。密記誓心同樹直。焚香月下拜桃榔。

●絕居停女櫻井示愛（壬子）

香翰驚披費索思。絨情欸欸滿牋辭。橫波泛柳眉通語。道骨參梅石坐癡。曾未鈞鰲龍伯國。那堪諧鳳妾偏尼。

西語音譯日  
本爲妾偏尼

才非宋玉難成賦。慚負東家舊女

窺。

●聞松坡走瀆起義次韻任師（丙辰）

幾曾踈越歎朱絃。舊調重彈太沒端。狂喝雉盧健十擲。怒呵狗脚帝三拳。杜蘅香後能馳馬。荳蔻春前強拜鶻。一部笙歌南國史。左兵東復鬧鬚圓。

●同門蔡君松坡發難討袁詩壯其志

諤諤同門彥。雲南起義兵。羽書風走檄。刁斗月屯營。止氣橫河嶽。雄軍壓

項城。破秦三戶霸。誅紂一夫輕。杖策參戎幅。梁師負令名。武豪運郡起。洪憲假王驚。願決鬪猿首。共和奠太平。

●聽收音憂慨時事（壬戌）

東晉清談史所譏。時艱默覺道心微。遠聆國事蜩螗話。愁對收音一架機。

●清明日，詣海珠殉難烈士墳場，致祭湯師覺頓。

恩遇讎仇兩劍知。栖遑沈痛國陵夷。年年冷雨清明節。獨獻花環祭覺師。

●北京妙峰山訪皇姑寺遺址

悽心獨弔皇姑寺。寒蔓蒼煙野鶴飛。故國祇今誰記憶。思陵月暗夜鐘微。

●無題（懷銓女友作）

靈筠去後楚無辭。落葉微聞帝子悲。肥瘦獨傳男送母。寧馨何物媪生兒。最憐九嶷難追駕。為繡平原卻買絲。鳳泊鸞飄誰薄命。杜蘭香嫁女郎祠。

●四洮鐵路車中

時家兄伯耆  
供職路局

八月南中尚採蓮。盧龍塞上已冰天。車牕陣陣胡沙雪。一夜蒙氈蝟樣眠。

●赴眉溪訪劉校長蓴父釋韉途占

清漪搖葦水風輕。醉鞦吟鞭莫計程。橋斷牧蹲牛背渡。艇空漁荷蛤籠行。產蚌極鮮美少懸眼鏡看山易。久別眉溪覺路生。甃社近成希有會。一樽談笑亦詩盟。溪眉

●奉直戰起，聞某方勾結日本自重，憤賦。

爭奪交讎奉直喧。倭遼步騎簇雲屯。內訌屢痛拳捶腹。外勢橫招虎入門。敢引沐猴譏楚霸。却慙捫蝨謁桓温。漫云巖穴無清議。功罪推評野史存。

●秋趣八首

橘柚霜黃楓樹紅。秋光都在有無中。皺紋洗雨山開面。鬱勢盤灘水啣筒。記說蕉雲涼硯北。莫愁菊酒泥爐東。蘆花蕩裏鱸魚好。君釣松江我釣桐。

醉蟹燻魚味兩兼。酒紅初上臉赧添。高居龍象緣能寂。小枕蟲天夢覺甜。矮柏褪黃遮屋罅。修篁引翠到山尖。抽簪怪道盈巔白。昨夜霜華撒似鹽。

撚斷吟髭三兩根。詩肩清聳眼花昏。半灘水落留魚髮。一桁霜晴曬犢禪。紅樹青莎居卜謝。黃雞白蟹醉留髡。不禁別酒琵琶夜。司馬當年淚有痕。

驚起微聞月墮峰。秋聲萬斛觸錚鏘。古潭風動蛟翻氣。脫榭霜零鹿解羣。涼意妬人穿白袷。倦遊憐我憶黃封。空灘襪被蒙頭臥。歸夢秦關百二重。

崩崖老柳突枒杈。黃四孃家蹊滿花。山削銳於牛礪角。江迴曲似犬交牙。蠶蜻叫戶機催織。稻稭登圍稗縛叉。燕子詠樓郎詠妾。不消門巷說枇杷。

菊浸醇醪聚甌糕。家家壺榼去登高。野田擔飯水車啞。荒廟賽神村鼓嘈。扶酒踞驢忘欵段。集花繚鬢作風騷。新詩寫到入秋趣。一雁雲羅飛健毫。

豆莢葫蘆三兩畦。連筒抱甕有山妻。朝朝牛溲調糊麥。頓頓椒鹽擣蒜泥。魚撥苻蒲雙槳過。鷄鳴桑樹一鋤歸。當天莫問長安月。馬滑城頭烏夜啼。

秋入江樓懶去登。五更鐘鼓第三層。鯉魚拜月蘆吹笛。竹宇延風紙罩燈。雙髻隔花微瘦損。一牀疎夢半瞢騰。兒衣母也縫縫密。似訴乖離白髮增。

● 郊 望

心逐孤鴻下遠汀。平蕪盡處眺空冥。無端一縷炊煙起。劃斷遙山半角青。

● 國力空虛，外患危迫，向當局極陳內訌非計，忤辭獲咎，幾蹈不測，賦

此愴然。

北旅南師鬪怒鯨。年年兄弟鬩牆爭。寧支柱石中流砥。難辯雌黃衆喙評。反道回賢非助我。吹池水皺不干卿。呵時抗勢知當罪。下第劉蕡最有名。

●哭庵懸壁二句戲續成之

「曾□國難披金甲。恥爲家貧賣寶刀。」老悶憤教黃九笑。婦人醇酒信陵豪。  
哭庵拚酒  
屢醉竟日

●海夷伺侵，內戰崩析，陳樞府十一書，不獲批答，悄然離京。

誼征幕府參戎士。擯我危辭禦島夷。挫銳早經菱折角。迂忠長是藕牽絲。兒驚烽火相依哭。馬別都門不肯馳。惆悵去秦書十上。太玄遺草子雲悲。

●上海大舞臺觀劇

近把歌臺譽社譽。譚譚培余叔岩梅蘭芳馬連良各轟名。怪塗黑臉無如豕。柔唱青衣可謂鶯。優孟孟疑孫叔活。杜欽何至左邱盲。笑余自擬伶官相。宜扮鬚生或丑生。

●癸亥冬孤遊鄧尉山

天寒無處寄幽襟。鄧尉山前仰樹吟。欲勸梅花浮大白。霜風冰酒不成斟。

●凌阿春朝立看溜冰者。(甲子)

朝霞凌河看溜冰。連翩竝羽狎鴛朋。真成香國琉璃界。我作梅花樹下僧。

●寄膠澳督署和二兄惺父

傾壘起舞更仙仙。一令蘭臺十八年。濡墨露頭張草聖。

兄善書法飲酒愈能屬文

朝兄端笏

米家顛。酒豪秦岱雙遊屐。詩逸滄浪一釣船。相約早休樂昆仲。豈緣賡和始修牋。

●乙丑春，自東瀛返鄉數月，茅堂春暖，老母清奉甚適，愉然賦之。

懸矢桑弧志已違。閒開破牖納風暉。揮毫畫竹垂千个。解帶量榕粗十圍。蓑笠溪漁乘雨出。帶藍村叟趁墟歸。優游何莫貧家樂。况幸茅堂親在幃。

●風雨夜寒與家人清話甚樂

風雨襲柴扃。梅花散一庭。沸壺吹白汽。煨炭爆金星。酒甕春醅熟。蠶家夜

火熒。妻孥團坐話。娛我醉眠聽。

●哭亡姊鏡蓉

阿弟桐焦姊杏殤。痛陳醜奠哭靈塲。花環瀉露添流淚。神帛飛灰匝炷香。姊  
岸夢歸情脈脈。孀閨遺恨踽涼涼。從今一塚啼鵲處。月冷泥江樹樹霜。姊葬泥江

●社日饜西樵酒饌乘醉而歌

烘爐斂砵古生涯。猪豕鵝燔俗味佳。劉季置酒會父老。歌風吐盡男兒懷。鄉  
飲不必盤羞排。

●折菊

籬菊初開天已霜。晚來纔折數枝香。燈前把玩分明白。拂曉重看半是黃。

●吳江卽事（丙寅）

戀此溪山秀。吟詩續輞川。塔搖春漾水。燈走夜移船。村酒携壺買。江鱸折  
柳穿。惜無居士屋。勝概寄林泉。

●宿巢湖二日



風葦搖涼起浪紋。藏舟花渚臥秋氛。不愁幽寂無清趣。漁笛輕吹枕上聞。

●蘇州河夜泊

去年隨喜寒山寺。記臥楓橋聽夜鐘。今度姑蘇城外泊。依然霜月壓船濃。

●謁當局談政不諧歸以詠歎（丁卯）

識士無平仲。難爲北郭騷。吏饕營兔窟。政弊補羊牢。酌水聊方潔。栖山敢  
養高。羣程鵬翮短。攢鱗蚤脛豪。冷挾筭門瑟。寧操市井刀。結茅依老樹。鼓枻  
犯春濤。已份終遺世。何須歎不遭。岐王微宴見。莫唱鬱輪袍。

●戊辰除夕

癡心守歲緣何事。嫁綫勞形四十年。顧影自憐仍故我。知非終覺媿前賢。山  
公寶重莫名器。賜也牆卑甫及肩。明日屠蘇壽親社。好將銅狄話春筵。

●棲霞山寺一宿（己巳）

得得驢鞍掛酒筒。孤遊寄傲秣陵東。江橋臥水斜分白。岫塔穿霞盡破紅。宿  
寺未妨稱老衲。題詩休問笑冬烘。年來迭作棲山想。倦抱雄心有異同。

●遊莫愁湖戲占

岳王墳已鄰蘇墓。不怪彭郎奪小姑。自古英雄慕兒女。勝棋樓望莫愁湖。

●某新貴操半英語來相凌轢爲詩自寬

隱操憂時老漸癯。橫教西髻誚書迂。休囚蟹筴都新學。豈讀毛詩便腐儒。殺行似埋冲斗劍。眩能差比傅顏朱。繇來武運關文化。皓首窮經未是愚。

●赴鄂應夏軍長聘（庚午）

空齋宿雨奔蒼蒼。橐筆依嚴杜踞牀。失壤早驚蠶傍葉。穿墉難靠鼠司倉。髡楊孕氣生稊米。迴雁歌風失字行。世亂自傷無武骨。奮更儒服習戎裝。

●濟南軍次日記。

閩馮戰役隨軍守曲埠

早誓丹忱報國恩。陣前衝彈望成仁。不圖裹得輕傷創。一笑馳書慰母親。

●佐幕漢臬，屢荷雪公靈公諸位讌招，花閣流逗，偶爾自惕。

蒼松鬣短柳須長。奏伎蚡堂樂未央。花意解人眉送語。詩狂慚我酒翻裳。舊名潘令盈車果。瑣艷韓郎入袖香。可恁溫柔鄉醉死。試抽寒匣問魚腸。

●痛東北四省失陷（辛未）

淒風倚馬望降旗。奮劍燕臺壯士悲。一髮千鈞來勢急。十羊九牧失權宜。職卑碍獻匡時策。國弱難興問罪師。俘女聲哀啼鐵響。瀋陽屠掠血淋漓。

●乘飛機跨廬山諸峯默占

我是天營虎賁郎。一幾衝破九重蒼。麾雲密布橫空陣。遍壓峯頭不許昂。

●電籟

宿武昌笛湖精舍。與季英、沈青山、毓諸秘書散步，聞電柱颯颯然，若振文核，因名之曰「電籟」，拈韻得微字，各詠一首。（壬申）

颯颯電籟戛琴徽。高柱張絃風自揮。清趣妙從詩竅入。希聲差與俗情違。疏泉種竹得佳響。聽雨焚香生靜機。天韻泠然隨處有。知音應賞在幽微。

●張主任哲蠻，憤讒辭職，詩勸慰之。

恩倖世崇朱萬拜。而君骨鯁忤時宜。懷珠彈雀能無惜。怒劍呵蠅未免癡。神雋固知逢謗沮。晦藏胡勿悟希夷。春妍別有山谿樂。并蹇尋幽大可詩。

●踏雨

約醉湖園跋屐行。逗人春怒別忘情。入梅點點珍珠雨。冷送零蕉一傘聲。

●赴川歸楚途記

堰載川膠下劍門。衝舟巫峽不聞猿。長江瀉白楚天碧。直到巴陵魚蟹村。

●對泣

春愁難遣酒杯消。立馬羅敷水上橋。自媿汝南憐碧玉。惜無金屋貯阿嬌。心酸梅子黃時雨。淚咽桃花洞口潮。相對闌干情脈脈。一聲清怨隔牆簫。

●去長沙，金教員芷青芷芳兄妹來餞，賦此誌別。

惋抑新悲慰舊歡。強娛別酒餞江干。水裁湘素長牽恨。山破雲裘尙覺寒。志士雄心隨劍老。

許渾詩身隨一劍  
老家入萬山空

美人清淚透箋看。榛蕪滿目傷吾土。忍自孤翔惜

羽翰。

●思休偶作

退歸言採北山薇。唱到陽春和者稀。心似孤鴻橫遠磧。身如驍騎突重圍。黃陵廟畔江花落。白帝城東峽雨飛。十載宦遊餘一笑。敝裘羸馬傲輕肥。

●哭菴以予剛鯁不合官格相規賦此示答

一葉虛聲酒半卮。笑談舒透遠公眉。批鱗莫怪搗堯鼓。得骨原求學杜詩。不信賈生陳策左。終嫌陶令掛冠遲。誰操館閣宣麻筆。胥史平章沒字碑。

●別漢臯留贈周季英鄧一鶴兩秘書

晴川閣上交觴別。君唱勞歌我倚聲。吹到落花攜笛去。破帆飛雨下蕪城。

●去武漢宿蓴溪阻雨甚憊

豈待焦頭始疾呼。敢將先見傲當塗。敷文莫贅添蛇足。抗勢何輕捋虎鬚。十里去官留鯁骨。一舟宿澤戒萑符。時賊陷仙桃鎮憂時反與時爲忤。宵雨蓬牕謫夢孤。

●嚴主任振岡閔科長湘帆招飲西釣魚巷同春樓清真館子

鹿脯松茸合種鬚。初翁纔試清真厨。暢酣酒友捫癡腹。狂拉歌姬索笑珠。事擾每持忙裡靜。心忒聊覓苦中娛。若云齊贅能牛飲。淳于髡爲齊贅培履舄交筵老不拘。

●周孝廉秋甫，近戀秦淮歌女白梅，邀飲其家，賦此贈和，並示同席諸彥。

歌女樓前溝水渾。調笙坐久竹床溫。春山髻髻慵妝影。曉月眉殘澹掃痕。紅

線已能酌節度。玉奴何以慰東昏。相思莫折梅花嗅。一嗅梅香更斷魂。

●愷藩兄辭京滬衛戍部高級參謀，歸粵治軍訓，滬上痛飲而別。

牛酒班荆一醉間。崑崙雙鏢明朱顏。勿交廉頗負荆史。求遜夷齊採蕨山。揮翰振辭奔驥迅。浮踪浪跡狎鷗閑。明朝匹馬黃衫客。梧葉飄風度散關。

●憶母

課孺支貧早誓心。卅年婺緯苦沈沈。海洋淪入千尋底。不及娘恩浴我深。

●返羊城聞榆關陷訊

歌舞仙城婀娜哉。瓊窓珠火嵌樓臺。傷心紙醉金迷日。正值榆關寇陷哀。

●遊廣州淨慧公園

公園酌茗習遊嬉。博局難觀不定棋。

時廣東執政  
脫離中央

果贏密藏垂敗葉。田鴉偏噪

最高枝。薄憐露重花低蕊。強慰秋闌柳展眉。村野退耕無客話。對牛耽讀未爲癡。

●觀煙澤松軒兩名手賽象棋

角勝棋壇仆鼓旌。移車跳馬總機宜。險爭一着翻全局。難耐旁觀守默癡。

●送內人隨三嫂與七弟婦之青島

花易飄零月易低。驪歌清聽總悽悽。秋涵雲影衣衣澹。雨送郊原屐屐泥。村俗醜程聊野脯。家園供餞足庖螯。臨歧事事關心說。錦字緘愁兩莫睽。

●壬申八月，由武漢卸職歸里，躬耕習勞，二豎時作，知交復鮮，悵然書懷。

陂田蕪穠隰栽桑。老驥鹽車已慣忙。久病藥同嘗世味。清貧糧似鬧年荒。明珠莫論泥中價。寶劍難舒匣裡銜。賴有野松伴幽隱。歲寒相慰鬢毛蒼。

●閒居

久賦閒居歎守株。社前鄉飲集枌榆。溪深未碍牛浮鼻。梁暗猶聞燕哺雛。豪氣結交凌醉俠。短衣懷策悔狂儒。夸修自份寧藏拙。燕筑齊竽計已迂。

●掃庭

簷椽花飛杏已殘。春朝靜掃一庭寒。俚儒執帚常功課。比作陶齋運甕看。

●宵雨滲漏，曉起書所見。

雨竹搖竿堪屋椽。屋茅宵漏濕書筵。今朝別有饒情趣。曲笋穿窬壞兩甄。

●漫興

秋熟田家刈稻忙。男肩婦荷各熙攘。老儒漫興推書起。獨汲涸泉灌女桑。

●幽居

幽居避市聲。談笑祇鄉情。臘社分酥酒。書城擁墨兵。破櫺添曉色。荒圃動春榮。借問滄浪水。何年可濯纓。

●齒痛喜愈牋謝漢臯梁醫師（癸酉）

昔年巧笑奮兩犀。齒若編貝纍珠齊。酒家茶廬肆大嚼。狂豪不減沈昭略。悵自懸秋壞一牙。朽齒搖颯如蹋沙。廢眠妨食怯漱水。支頭臥病痛難起。有友名醫梁道安。刀圭一治霍然止。醫理藥淪驚其神。彈瘞施鋒方古人。赭鞭青囊發奇秘。銀丸金液羅醫餌。衙推手術真軼倫。使客忘瘡轉甜睡。身若匡牀臥落花。耳疑曲終聽縵車。公車礪齒聲鈸鈸。清韻宜人風撼竹。地鉗作勢蟹張螯。拔



齒齷然葉脫木。先生品貌怡怡如。遯世壺天一卷書。縱談睿發聲教鬱。拾慧慚  
翻糟粕餘。媿我樗枏自嗟鄙。戎行橐筆走萬里。兵訖侵尋蜩沸羹。國勢淪胥鯉  
脊簞。此齒唇亡不怨寒。風塵談笑見心肝。睢陽嚼碎豫讓落。古道悠悠知己  
難。

●遇幕賓吳退舟。憶述秣陵宦時舊事。(甲戌)

酒濕青衫醉帽欹。惜無一剗趁鴟夷。秦箏趙瑟成癡怨。越水吳山繞夢思。眉  
月暗窺菱女浦。乳花閒護柳姑祠。頻年粉著官羈縛。爭似遊蜂觸網絲。

●東北長淪感憤再賦

秦樞關外盡淪倭。取毀鴉殘嗟奈何。閨婦哀聲淫掠哭。浪人饒吻酒酣歌。稅  
苛若責筆扛鼎。刑重如張燈陷蛾。沈痛金甌亡一缺。中原誰奮魯陽戈。

●偶談閩亂賦示邱十

戰伐侵尋村里虛。閉齋權作避秦居。強情祭位陳芻狗。寧媚迦藍訊蠹魚。國  
亂早知無義劍。兵訖還幸有降書。九州試放羣雄眼。燕市夷門兩不如。

●秋 病

病久維摩道益尊。藥爐秋伴雨燈昏。蛩吟唱和無詩稿。蚤痒爬搔有爪痕。呵壁扣天靈不驗。熬瓶炊足曉猶溫。颼颼偃臥聽松籟。心骨冷然浩氣存。

●汕頭問路不諳潮語（乙亥）

欲渡韓江覓野艘。停驄靜扣繚蘿牕。迷津苦問難通語。紅粉爭窺笑靨雙。

●遊福州西禪寺越宿邁翁堅約再遊鼓山

梵宇莊嚴壓翠溪。塔尖僅與山腰齊。尋幽殿角見松鼠。憩脚林筍聞竹鷄。心幸耽經逢閔藏。身聊遜俗宿招提。湧泉寺峭西禪坦。縱蹇兼遊道阻躋。

●假日詣南臺高峯茶棧暢談半天

星期亭午放州衙。高晚豪談劇孟家。飲興未闌禪酒盡。更溫潮盞酌潮茶。

●贈虎戒寺僧靈海師

釋氏聞靈海。能通印度文。梵書翻貝葉。老字寫蘭筋。佛座三聲磬。爐香一炷雲。野僧不炊飯。山果與猿分。

●廈門公園所見

羣山翠束一園春。池畔纖鞵踏細茵。可是散花天女隊。輕拋桃瓣餌游鱗。

●罷福建省府參議二首

罷職如顛峻阪車。早囊青簡散無餘。孤誠和璞拚三獻。殊味鮑蘭混一居。不恨喪家繫類狗。深傷彈鋏食求魚。數奇時棄非襟抱。祇合文章賦子虛。

退居清斲飯牛庵。長吏權門世味諳。仗馬一鳴知輒斥。羝藩屢觸困成憨。羊劬大似耙田犢。酬酢空忙上箔蠶。黨籍縱饒餐次地。豈容死餌逐鰥貪。

●友人葉某暴富假十金遭拒歸途憤占

百貸呼仁救老殘。羞人東郭乞墦看。儒酸不值憐饑凍。戀戀綈袍已甚難。

●衡門（丙子）

誰扣衡門辱訪尋。斷弦塵匣媿知音。孤尊酒盡憑花勸。險韻詩成倩鳥吟。溪柳易生緣劣水。山蘿非施不成陰。餘齡已把雄心斂。一褐傭耕老故林。

●約山月同訪曼殊

一樹菩提顆顆空。鈍根離垢慧根同。蒂辭花落非關雨。心動幡搖不是風。古  
佛負牆苔點綠。先嚴遺詩有古佛與  
苔綠病僧如茱萸句昏燈照殿幔搖紅。龍天擁護八千偈。都在孤僧  
懷袖中。

● 奉派連山出高峇探鑛示登山隊員

踏破連山意未降。試登萌渚望都龐。都龐再望三湘水。點是帆船綫是江。

● 赴南路調查實業車過石城

夾道溪林千樹松。衝車旁午石城東。此行南路曾何見。積雨初晴新綠濃。

● 由欽適廉過靈山失路

峭徑灣橋曲曲通。偏丁蹙蹙阨途窮。斜曛輒送催花雨。禿樹能當偃草風。極

目孤城雙鳥下。驚心獨客亂山叢。老樵笑指廉江縣。數片殘雲搖曳中。

● 馬浦橋小住

倚岸臨溪地兩弓。緝茅幽臥適穹隆。冷香濕夢藕花雨。涼氣舒襟楊柳風。魚  
苗入筍育鰻餌。蚓字書經無鴉籠。尊蘇自貶黃州後。野趣翻娛潦倒翁。

●住港金龍臺隔恣遙望對戶

楚宮餓死憐腰細。春瘦何禁鳩娜輕。一樹桃花西婦貌。隔恣凝望不分明。

●宵酌悶熱

豪情夜起再呼觴。醉熱掀簾吸月涼。花意故撩人不睡。隔櫺偷送一牕香。

●丙子中秋後一日，昕明家濂兩秘書，約遊越秀山小飲，是夕惜介老未至。

鎮海樓邊秋有聲。微雲虛籟各清清。好移山屐踏花影。來抱焦桐調月明。詩料淺斟杯酒出。歌聲遙和海潮生。登臨喜值偕名士。姥語瀛談坐四更。

●退食

官小虛車沒挽推。公衙夜雪退班回。冰毫滲墨穎難屈。宿火埋爐心未灰。老屋守書遲野鶴。孤窗延月伴瓶梅。深懷主簿彈箏技。不遇元桓氣莫摧。

●執衡齋晚飯後作

築屋騎隄與樹齊。玻璃窻格嵌山谿。柑供佛手香浮座。酒試茅臺力透臍。耽

詠每留同幕友。庖鮮應謝入廚妻。人生底事誇豪舉。戎絮曾無不著泥。

●丁丑暮春示邱君裕生

昨約園翁醉一卮。泥村沽酒借驢騎。疑心芍藥含春露。倦態薔薇臥曉枝。獨宦偏驚花事了。息交寧與世情遺。鼠肝虫臂隨天付。何必緇囊欲試錐。

●醉與山月談佛戲占二絕

①出家我却勸還家。菩薩心魔卽夜叉。闍寺所云根性斷。豈容稱佛證龍華。  
②蓮花出淤本無污。禮佛何須方外逃。本願俗家同正覺。故倡和尚娶師姑。

●贈世交李參議懷霜

同是章門侍宦人。

尊甫與先君同宦江西

通家孔李更情親。琴尊青眼相逢晚。書畫秋毫妙

復神。君信明堂瑚璉器。我慙枯樹薛蘿身。何時買得新豐酒。細雨江樓共醉春。

●丁丑初夏，偕定一漢明中聲諸彥，遊清遠太和洞。

爲訪名山約侶行。洞門幽邃翳林菁。奇峯挾寺破雲出。飛瀑穿岩奔澗鳴。雨

徑踏苔芒屨滑。僧房供茗露芽清。歡游最是山溪釣。劇管剗魚拾葉烹。

●偕愷藩山月桂笙泛舟荔灣

莫說昌華古荔殘。珠江明水醮林巒。泛霞荔子灣頭艇。添作羊城九景看。

●甘泉雅集，步山月渡蒼宇雲諸君和女詩人原均，并不愷兄。

雅集冠筓竹茹西。衣香茶韻六朝迷。固知蝴蝶身難幻。除拜梅花首不低。紅

粉當筵直佛會。

席開山月於佛

金壘鬥酒亦詩題。英雄本色虞離耳。嘯傲何妨學阮愁。

●于廳長聲言須用過量人物，故衡雖辱蔡愷兩兄聯薦，不謁遂止。

誰笑山林盡散材。冲天一鷲出風埃。識荆漫作登龍想。下筆慚非倚馬才。聽

月無聲羣澗得。蕙花有趣借畦栽。嗟卑歎老吾知命。沮桀何嘗賤草萊。

●和抱香雪筠兩先生詠榕蔭園木棉

古苑羣詩靜處忙。紅棉高睨滿城芳。心搖寶塔飛空影。身遯禪林禮覺皇。冷

翠願溫寒士骨。奇花羞襯美人妝。英雄樹灑枝頭血。猶指烽臺露劍芒。

●蘆溝橋覺起，蔣委座下今長期抗戰，敬步陳校長原韻。

急鼓逢逢羽檄飛。蘆溝橋下翻蛟螭。雄兵我欲軼蛙怒。勇士誰當呼虎癡。馬蹴玄冰朝獻馘。烽連紫塞夜分旗。關河百戰終摧虜。指日扶桑會六師。

●措大詩多沈鬱，情境使然，秋秋示愨公。

困窶長無隔宿糧。悔儲詩稿滿中箱。山如世道多偏頗。秋似人情易燠涼。學佛能吞針一砵。入秦當約法三章。漫云狃習儒冠氣。博士曾聞號瘦羊。

●抗倭聞捷賦寄葵明副師長（戊寅）

飛機掠宇砲轟城。血戰關河寇虜驚。躡敵怒催流錮馬。衝鋒聲起鬪波鯨。巴蛇吞象終饒死。俚虎爲奸太賤儻。一蹴紅輪墜東海。崑崙高峙大江橫。

●痛山東不戰坐陷（戊寅）

軍牒馳傳報禦邊。連環坐解不成連。驕騰日寇千騎馬。悵望齊州九點煙。閉壘密謀奚太左。罷屯通敵豈其然。緣何赴赴琅邪長。懷貳遺汙玷史編。

●戊寅春，三兄惺父，六弟蔚侯，先後各由魯寧返粵，相叙素社村可園，詩以誌歡。



俯步郊田拾翠來。三人燕酒試春臺。鬚髯互笑形俱老。手足重溫心尙孩。雙井梧桐撐院出。一欄花萼護樓開。鵲鴿原上東風路。兄弟團圓有幾回。

●民廿七年四月四日，喜台兒莊殲敵大捷。賦示寅侶。

殲敵臺士氣豪。彫文幕末効微勞。未磨江畔沈沙戟。忍見筵前砍柱刀。越破史譏勾踐喙。吳亡人拜伍胥濤。揮毫草檄驚神鬼。筆陣縱橫玉壘高。

●送黃生回山西抗敵

虜騎縱橫滿畿甸。蘆溝橋上風雲變。中原龍戰血玄黃。機陣排鴻彈如霰。抗敵雄師膽氣豪。爭砍倭顧賽大刀。台莊一役空前捷。劫縛兜題入虎牢。倭奴侵畧原無已。薦食長蛇肆封豕。犯順重傾百萬兵。洶騰夜決黃河水。軍砦民廬捲巨濤。馬色狼烽戍卒號。胭脂姦據紛黎殺。沈痛將兒負母逃。黃鵠少年義劍起。杖束<sub>清</sub>纓圖雪恥。留取呼延報國心。男兒最幸疆場死。寸寸關河戰血斑。平型關扼紫荆關。太行山嶮軍聲壯。莫使倭兒匹馬還。

●聞閩老槍決軍長李服膺誌事

善將繇來服上刑。轅門冰戟發霜砮。諜聞佚寇窺娘子。傳令分軍阨井陘。突陣勢成三鼓竭。驅兵權振一麾靈。街亭敗後臣思過。斬謾威餘忍淚聽。

●民廿七年十二月十三日痛南京失陷

烽火衝天夕照微。金陵無復舊京畿。劫灰月冷雞鳴寺。戰血風腥燕子磯。遺恨江流沈鐵鎖。傷心城堞豎倭旗。六朝金粉滄桑淚。迸作燈前劍影飛。

●哀廣州（戊寅）

倭奴稱兵犯禹貢。炮聲驚破華胥夢。金迷紙醉五羊城。荒樂不知亡國痛。繡幟雕車逐市鬻。白雲樓閣海珠橋。鶯喉婉曼聆歌女。狐步輕猥搨舞腰。縱博狎爲長夜飲。臨春何地不南朝。欣臨畫院髭夫子。銀幕娛觀新片美。忽請將軍速返防。豔挾名姬驚座起。稔山霞浦砲殷殷。登陸倭騎風掃雲。守戍白芒花下旅。驚烽逃潰不成軍。傷心慘劫災黎哭。女被強姦子遭戮。農產剽殘村屋焚。悽惶夜竄荆榛宿。血赤衢溝火絳天。荒城破市無人烟。屍骸狼藉沒瓦礫。惠博增從痛淪敵。雄師保衛大廣東。走避倭奴不敢擊。敗耗驚傳遍廣州。紆籌運策歎

無某。奮劍幾人求報國。修戈誰氏賦同仇。退思園內酣宵宴。聞戰色莊談虎變。  
背城借一太怙愆。香江先送如花眷。暴敵長驅勢破竹。唐克軍衝槍卜卜。倭  
奴朝佔石龍橋。將軍夜遁金牛谷。輜械都如敝屣遺。祇啜蕪羹一甌粥。木棉城  
市黑雲堆。砲炸機轟飛萬雷。可憐豔粉穠香窟。半作殘屍劫燹灰。一片哀聲聲  
徹天。難民逃難肩摩肩。脫圍膽落驚風鶴。棄稚號途老轉壑。倭兵獸行蝮蛇心。  
捕縛青年綰徽索。臨難中華萬歲聲。燒殺纍纍空淚落。吁嗟乎，重鎮雄藩付  
島夷。南風不競靡軍旗。仗城光復知何日。珠海潮音咽恨悲。

●戰中由富灣望西樵山

十里村墟戰血腥。火雲堆裏日昏冥。樵山不改雍容度。繇是純陽一劍青。

●冢鄉淪陷後作（已卯）

煙消殘燹故園空。劫後寒溪景不同。勿謂草兵無敵愾。枯荷撕傘戰霜風。

●民廿八年四月十六日三阮遇盜投破寺一宿逃轉清城

筑聲沈鬱吭聲悲。豪唱荆卿別漸離。虎兇莫馴樞蠹桺。鷓鴣難寄撼風枝。行

經盜藪身餘影。借著僧袍貌更奇。萬里關梁一揮手。官評留讀兩昏碑。

●避地韶石賃廡江氏廢園

避亂投荒園作居。却從時棄見天隨。露凝曉萼垂枝重。風散殘英帶葉吹。說趙不懸蘇季印。報韓當奮子房椎。手來真似纍纍狗。世末原知鳳德衰。

●南潯綫克祥符觀寄一五九師宗武

霆掃風除壯士誇。破軍衝殺如芟林。南潯戰捷祥符觀。朱槿猶開濺血花。

●聞中條山我軍殲倭大捷

中條砲戰火燃雲。追斬鉗蹄

倭兒跋坡開足指如鉗故曰鉗蹄奴

夜濟汾。車蓋落花梁校射。虎皮蒙馬

晉能軍。遜聆捷報狂呼酒。未斂辭鋒畏屬文。我亦聞雞抽劍舞。霜燈寒鏢影紛紛。

●湘北大捷

喜聞湘北空前捷。欽歎重瞳敵萬人。

指薛將軍伯陵

節度半槍能破虜。崑崙三鼓正延

賓。殘烽靜映山營月。間道猶翻鐵騎塵。壯絕凱歌齊唱裡。汨羅臬臬祭靈筠。

●贈羅秘書雨山

噓雲久羨元龍氣。天幸遽盧識阮愁。

雨山有遺集藤花館詩

筆力文章撼山岳。証據今古森

筌蹄。雅逢菊酒會佳客。狂抱梅花呼老妻。冰壺玉尺量胸臆。載釀十斛詩千題。

●韶連路過秤梁山默占（庚辰）

轉轂韶連路。盤紆入翠微。湍鳴疑石吼。雲逐覺山飛。一劍當天嶮。羣峰亂陣圍。蒼茫攬塵海。壯志幾人歸。

●和雨山將別香花館留作次原韻（庚辰）

朋簪雅盍香花館。社燕秋鴻惜乍離。詞闋未忘官妓唱。燈謎應問燭奴知。山山

一堂狎客推江摠。十載揚州老牧之。最羨庖狸呼脯椽。

連州產果子狸甚多

圍爐煨

酒臘梅時

●雨山貽詩嘲眇遊女，步和解嘲。

胭脂北部南朝黛。沈痛興亡轉眼空。逸足氣橫天岸馬。游踪身逐雪泥鴻。嬌

顰芍藥便西子。鞦韆醉藤花皆放翁。說到風塵三俠事。虬髯海上未能逢。

●省府移韶步和顧廳長季高別三江原韻

征軫如駘蕩不堪。書筐勞却跛奴擔。詞壇一代風騷長。傷亂題詩步劍南。

●再和示桂老競秋

驚烽磨劍歎何堪。征軫移韶混載擔。莫墮新亭筵上淚。酒兵東下左寧南。

●和兩山將別三江留作步原韻

一住香花坳。狸山亦故知。笑斟留別酒。逃醉亂離時。瘦嶽有仙骨。野梅無

俗姿。三江餘宿戀。

元好問詩結集  
祇餘三宿戀

應是碧螺卮。

●兩年間省府向三華運縣韶關，輾轉五徙，卸裝黃岡村，賦示熊秘書公福。

一聲風笛一銷魂。戰火光中五挈奔。倖薄更驚村糴貴。詩清能敵市沽渾。霜融菊飲簷脣水。山嶮松盤石罅根。我是飛鴻無指爪。雪泥踪跡不留痕。

●黃岡官舍示友

耿介慕游俠。自詡高陽徒。悶寄詞千闕。豪吞酒百觚。覆巢憐燕子。嚙瓦厭狸奴。竹榻臥花影。黃岡山月孤。

●雨山居萬松山館甚邇步韻和作

山館翳樹蒼雲深。野徑幽踪勞妙尋。閉牖留眉竹垣屋。欹枕聽濤松風林。杯酒乾坤歎罕落。高歌子夜難自禁。興來步訪蘧廬子。雨山號一笑對坐胡牀吟。

●道瑩寓滬，訊內地後方情況，詩以答之。

雨餘山塹堠烟微。社燕翩隨驛馬飛。轉運曷辭兵站阻。充飢差喜芋魁肥。市翁隼笠塗迷彩。村婦分絲紉續衣。一例戰時徭役急。東風忙不到薔薇。戰中夢信居於最安

全

●由韶石携酒步回靖村

醉步江湄兩脚尊。匏瓢沾酒古風存。斜穿桑陌尋歸路。鴉帶殘暉落遠村。

●悼吳將軍子玉

弧星夜隕起悲風。羣弔孚威薄海恫。三誓踐行饒勁節。一生成敗挺孤忠。拒

降戟指常山罵。恬坐麾軍武庫雄。虎將聲名儒氣骨。不飲曾下讀書功。

●庚辰花朝散策

碧隄鶯鬧燕差池。掉臂行歌憤不羈。閱世別懸青白眼。趨時難畫淺深眉。狂  
生故態無傷雅。老妯閒談未可欺。今度花朝人事改。記曾宣誓柳侯祠。

隨揚柳柳  
祠宣誓去

今廿八年同  
舉無一存者

●戰時禁酒每酌以茶代之

不醉茅樓已浹旬。梨花飛去曲江春。比來禁酒詩情澹。濃茗千甌總欠醇。

●粵北大捷參觀戰利品

鎧仗獲陳神策庫。雄師破虜憶龍驤。稱兵逆料螳張斧。戰法奇聞狗咬羊。

北粵

破敵戰法稱  
狗咬羊尾犯喜捷何妨遺屐齒。勞軍應共挈壺漿。燕然若勒平倭石。迴日麾戈記魯陽。

●書憤（辛巳）

繇來小吏率相輕。媚技攘功莫近情。獻璞漫嗟和氏剛。鑽魚終惜校人烹。敢



留駿骨希殊價。羞負鷗羣敗舊盟。腰折瘁於彭澤令。虛糜五斗作麼生。

●重到南雄有感

去來心事逐秋潮。夢冷觚稜酒未消。曾記泊舟紅蓼水。江城依舊月雙橋。

●滇江儺屋

促屋瀆江灣。江峰螺疊鬢。碧痕天際水。淡墨雨中山。竹巷碓聲急。花窻棋戰閒。人生住行脚。隨處是鄉關。

●步韻和袁教官自珍

霜統泚澗豈無方。蕪酒驅寒手不僵。亂帙費評朱墨史。冷官聊寄草茅鄉。論文老幸交威鳳。獻策先謀拒餓狼。最是家山腸斷處。野棠開傍敵營香。

●由南雄跨自由車赴韶關途占

柳浪榆塵捲綠烟。南韶公路驛程連。自由車轉颺輪急。難及黃衫馬一鞭。

●戲作迴文詩題馮秘書啓中紀念小冊子

綠酒春煨火。紅霞上醉顏。竹深啼鳥亂。園靜落花閒。幅袖霑雲濕。寒弓挂

月彎。宿名驚臥起。霜匣劍飛還。

還飛劍匣霜。起臥驚名宿。彎月挂弓寒。濕雲霑袖幅。閒花落靜園。亂鳥啼深竹。顏醉上霞紅。火煨春酒綠。

●公錢何視察家濂卽席限十分鐘賦

帳飲凌江餞使君。聲喧堦警正紛紛。願將惜別千杯酒。同灑中原滌寇氛。

●戰衄洵急廣東地方行政幹訓團奉今西徙途中示學員

一行別修仁。曉月猶挂樹。輜車驚路塵。石齒啣芒屨。急難劍施鋒。疲馱馬貪駐。深明倚伏機。辛飽艱險趣。避敵古公遷。望門張儉住。長嘯山洩雲。轉徙葉飛澗。建豹老初心。殲倭殊世遇。豈無戚氏軍。三島知懷懼。

●罷廣東省府科長僚舊來慰賦此示之

蠅逐雞爭事厭聞。山居常幸絕塵氛。孤桐埭院非遲月。矮柏遮門不納雲。喧座笑談來野叟。閉園妝點付東君。縱然再有徵書及。祇共彈章對使焚。

●葉閣老恭綽，別踰三十年，近寓港，與家兄惺父柳亞子江霞公諸彥聯

社賦詠，因便，箋寄一律。

聰耳明眸賴卻葦。

譽父談  
佛茹素

挂枝榴熟墮堦間。時危鼠子欺禪老。政廳登徒敵女

軍。避俗抱琴遲海月。謝官留俸買山雲。知君獨斂紅塵腳。十笏濃香對佛熏。

●季參議浴日在連縣舉行婚禮衡在坪石趕賀不及補贈誌喜

雙壁連城世所珍。蘭臺花簇雀屏新。羨君孫子傳兵法。

君注孫子兵法深  
受李主席知遇

端合吳

宮訓美人。

●辛巳重到贛州二首

先嚴履勳公守贛時衡備稚齡去今四  
十五年矣六弟之英生於鄆都白口塘

①贛水重臨醮鬢絲。不堪游釣憶兒時。遍尋城巷無相識。祇記蘋花是故知。

②身非遼鶴饒多感。舊地湖山景半移。且向滄桑尋史蹟。陽明書閣讀殘碑。

●簡柳社長亞子

軍荒南社風流散。放眼才難玉尺量。拇戰我能鑿酒陣。雞碑兄不沫書香。催  
詩未歇三通鼓。射覆如穿百步楊。醉倚江天弄長笛。冷雲殘月憶瀟湘。

●再簡柳亞子

少年未學猿公劍。老習柔拳健體膚。昏漲買鮮魚汛艇。秋風尋醉酒家壚。珍  
書爲國留又獻。腹地陷敵古成籍焚燬無遺深爲千古憫惜亂服繇人喚野夫。澹泊此生名器重。從來軒冕  
視泥塗。

●夜聽榜人謳有懷羊石

驚起羣鷗聒夜汀。咿咿人轉盪沙舲。輕橈棹月珠娘調。一別仙城未易聽。

●戰後過清遠

側身天地吾何適。馬背船舫未足憑。劫後村餘拖骨犬。燒殘山似爛頭僧。江  
迴怒浪奔城角。水落明霞亂塔層。我恨武陵尋不得。避兵聊曳網魚罾。

●遊端州，張秘書百川招飲倚岩樓，舊雨重逢，不覺沈醉，卽席賦贈。

幾翻勸飲舉杯遲。爲續蘭陵侑酒詩。豪氣羨君巢閣鳳。冷官慚我聽冰狸。能  
文醉翰三升墨。豈艷歌脣一點脂。祇有香花同病感。張君別連縣香花如詩有香花身世吾同汝之句當筵愁

唱惜春詞。

●七星巖

節彼巖巖石。如登積翠臺。香雲端硯濕。藥雨晝花開。曲洞垂鐘乳。磐阿食  
軟材。七星誰摘得。拋落肇城垓。

●過硯州慶德農場，訪吳校長功補，多年間濶，相見悽愴，賦和步原韻。

杖席記忘年。萍踪故故遷。奇懷看劍影。別淚灑禪前。把臂漁山外。酬詩椽  
圃邊。縱談家國恨。冰雪問寥天。

●遊丹霞

并留贈一聯題以「挾嶽當幽巖  
雲屯陣擊霞馭日翻海洗天」

纔參擲鉢峰前寺。又契丹霞物外緣。飛屨海螺岩窟月。留詩舍利塔牆韞。殿  
煬不壞裝金佛。舊仁化中學借  
無人雄殿兆父山氣能呵凍玉天。追跡澹歸逃世隱。廢歸以竹清出家  
崇在海螺岩下老  
僧何用結庵錢。

●芙蓉山弔李峙山墓

代友作  
寄小岑

霜冷芙蓉佚女墳。此情難慰湛司勳。閨愁玉淚雙江水。人事山腰一段雲。貞  
志別留珠嵌劍。綺文猶記墨堂君。蕭楊朧月傷憑弔。腸斷鶉啼寂夜聞。

●贈黎君伯敏并示國彥七弟

牽裾互惜相逢晚。喜值屠蘇話歲除。倦抱似完歸趙璧。雄文眞讀下齊書。松根柱杖應遲鶴。花渚浮船不礙魚。老子神乎龍天矯。深藏良賈漫云虛。

●籌設火柴廠維舟武江

儒冠悞我戴兜鍪。戴却兜鍪轉不侯。好趁鴟夷載西子。五湖風月一扁舟。

●讌互勵社，即贈伯敏鼎三定宇儀敏諸昆，并示蔚彥一棧。

賞音誰謂無知己。雅歎勞君設饌邀。功業飛花愁破朵。文章髡柳悔抽條。豪傾社甕新春酒。醉譚胡床老輩腰。勝會有緣逢結集。不須重話廣陵潮。

●郊居

郊居絕朝市。一字靜羣氛。犬臥當門石。鳧穿壓水雲。誇翁刺釣筏。呵稚弄樵斤。熱酒披襟飲。各香閉室焚。廬卒無二我。梁武帝額書廬卒一我亭尚草倫標榜有三君。庶弭飛書謗。傳聞不願聞。

●鳳田野店小飲

○問春偏值賣花娘。道是儂家旖旎鄉。三岔路分紅白綠。兩村桃李一村楊。

◎野店添沽碗作餠。桃花深處醉欹涼。山蜂與我渾同癖。飛集禪桮嗅酒香。

●雲瀧別業

在鳳田頭國露佛寺山麓  
民國三十年六月構成

巖隈闢屋半飛空。軋軋泉車湍鱗響。山葦一簾花點雨。江涼雙棹水磨風。遠  
攜菊酒尋彭澤。老臥雲根得射洪。自笑詩才如破衲。千般裁綴未能工。

●鳳田卽景入絕寄吉庵伯理諸昆并示仲兒

雙崖倒影

倒影雙崖一鏡淫。水藤花懶書眉啼。小舟輕槳城村晚。撥破江霞載月歸。

距鯤魚坑  
六華里

城村

碧峭吹雲

碧峭摩空勢莫攀。荆藤卷卷胡僧鬢。衝巒踏上金螯頂。浪浪吹雲不見山。

頂有古踏碑  
字不可辨

金鰲

楓橋扶醉

風荻搖涼送暮潮。村翁携酒隔江邀。泉琴秋韻桐花館。人醉吳楓上下橋。

桐花

館在下  
橋左岸

### 築壩歌聲

風月雙清水更清。雌瀧咽石雄瀧鳴。閑登築壩引歌吭。空谷迴音作曼聲。

### 午夜聞鐘

中宵吐韻泉淙石。三伏吹寒風吼松。別有會心尋佛境。閣梨一杵隔山鐘。

### 山房結翠

十二谿環一洞天。山房結翠倚雲泉。温温若個巖棲士。爐火丹砂葛稚川。

温音

庵雷解  
製藥

### 江陂飛舸

跳沫江灘水瀉陂。洶騰陣馬介而馳。浮潮飛舸下積石。萬弩錢塘勢可知。

### ●栖鳳山居

露佛寺前叅露佛。露佛寺遺址在頭圍山麓鯤魚坑口釣鮓魚。老從天放求真適。栖鳳山眉大

可居。



●蕪蘅齋感事（五十一）

濕雪侵櫺破紙層。十年書味坐齋燈。西施嫫母都殊色。猗頓黔婁各本能。俗譽畏聽迎仗炮。錢官羞比治家僧。顏齡擺脫浮華盡。山北山南曳瘦藤。

●卽事

飛黃自笑老牛遲。起臥郊廬一卷詩。關戾涉園晴雨便。銜觴閉閣淺深宜。虛聲撫字琴三弄。汨亂功名黍半炊。野父籠鐙夜相訪。欲分醪甕不須疑。

●罷讀賦示蔚弟

家住黃蘆淺水濱。半生牢落讀書貧。傷時詩似蟬初嘯。換酒衣同筍褪筠。春雨獨尋楊子宅。西風聊障庾公塵。摸頭自笑殊癡鈍。一卷楞嚴記不真。

●題蔚弟棉市春光圖

愴懷棉市起悲風。花樹模糊鮮血紅。倚劍南天望烽火。五層樓在亂雲中。

●愍公由失地亡歸來訪越二宿爲詩貺之

荒路七十里。之子能相尋。釋策扣蓬戶。趫然空谷音。歛坐碧桃軒。對賞山

丹林。倏別五寒暑。客鬢霜華侵。戰野避流燹。鵞羽驚弓禽。官微遭寇亂。辜却布衣心。威鳳栖筠筱。天馬阨蹄涔。感慨發長吁。溫語聊慰歲。妻孥具盤飧。薄膾清江鱠。苦茗啜穠綠。香橙分軟金。出浴曳輕縮。散步躋岡岑。村樹翳平遠。溪雲生夕陰。西風撼茅樓。一夜零秋霖。詩酒半害事。興來還淺斟。蘭煙牽鐵獸。雨氣濕桐琴。裂裂馬融笛。悠悠仲宣襟。泉爭修竹鳴。鏡和山翁吟。几架滿奇書。能闡天閥深。綺皓渺前迹。歲月徒鬢鬢。媿懷廊廟志。未竭螻蟻忱。秋雲任卷舒。毋與俗浮沈。國政嚴貳偷。子產吾所欽。倭禍正滔天。解珪聲凜森。勸子勉出山。送子冠上簪。

●曉課城兒讀書剝芋充飯

不勝情處莫癡思。棠棣花其翻反而。接案分書將子讀。鋤庭栽芋備家飢。官文慣守陳倉粟。幣價羣譏敗鼓皮。可幸寒厨存食譜。陶詩下酒少人知。

●蘭圃漫作二首

一春移卉作花師。手活園芳亦救時。

宋環人稱救時宰相

屋漏濕書燒葉烤。牀欹墮枕拾

甄支。何多隗。始千金骨。無有秦強五段皮。紫色奪朱尼父惡。冷看繁豔鬥胭脂。

學圃何妨老守株。岑泉分溜到寒厨。風扶花骨亭亭玉。露串松釵顆顆珠。未荷拈香千佛選。已憐窺鏡一翁癯。茗壺對客藤陰坐。閒話宗邦袖手吁。

●壬午踏青過抗日陣亡將士墳場聞哭聲悵憶故鄉淪陷丘墓

春雨滑滑泥牛畿。臥柳拂渚條風微。津船衝漲渡行女。戰士墳前燒紙衣。清明幾點桃花淚。訴盡離鸞身後事。操琴慟歎杞梁妻。敲經誓捨皇姑寺。一片湘妃哭竹聲。悽悽都是上墳情。愧余瀚海飄流客。蜀魄啼枝旅夢驚。冢山寇陷春無主。蕪沒遙知父母塋。故塋幾度清明恨。表阡未逐瀧岡願。雖云拱木有冬青。已歎荒墳無麥飯。麥飯冬青掃墓人。官亭插柳倍思親。春鶯古木南岡路。一步南岡一愴神。

●雨山秘書內艱，國難僻村，懇辭臨弔，因具香燭，爲詩輓之。

久願登堂長下拜。倏驚仙馭返瑤池。考終何礙孤村寂。孝養應增詰嗣悲。封

作續絕留謄範。束芻陳奠弔靈旗。更懷荆樹通家感。念母情摧寄輓詩。

● 詣浴日膚疊均占和枯桐，雨山，啓珊，皎生，一眞，曼凝諸客二首。

○ 更無書可讀。巫叩野夫廬。蟻陣循蝸篆。閑階閱戰圖。

○ 引劍對文陣。臥書橫小廬。松恣攬梅竹。交作歲寒圖。

● 寄蜀中示果安昭麟諸弟姪

記曾走馬碧雞坊。春寂年年夢海棠。花洞掃雲雙袖濕。酒船移月一溪光。未能脫俗聊隨俗。少近疎狂老更狂。鐺笛孤吹欲飛去。嘉陵江媚蜀山蒼。

● 寄重慶李主任修天（癸未）

燹野荒涼點點煙。城花猶是弄粧研。嬌荷蓋傘徒遮日。橐筍抽槍欲刺天。賭酒未經三斗醉。奮書連滯兩宵眠。盤峰折棧陪都路。老跨疲驢費着鞭。

● 廠軒睡起作

祖臥榕軒午夢蘇。簞紋生臍怪糊塗。村童打棗喧牆角。鄰叟燃菸就竈觚。墨甲舊藏長史帖。酒兵新握信陵符。客中不罷吟詩興。老受郊塵未欠租。

●偕漢山訪官壩愛國工廠盧老闆導游妓館一晒過之

探幽原避市聲譁。怎奈清遊到狹斜。妓閣深依桃葉水。漁舸偃臥柳根沙。奇懷未易紓胸臆。俗惠何煩約酒茶。皺面羸埃慕軒舉。青門愁種五侯瓜。

●覺是

杯殘麝燼晝香微。覺是從今悔昨非。夏水滿涵冬水涸。秋山奇瘦春山肥。盾杓墨瀝又膏髓。笠澤書窮造化機。花嶂藏天莫延首。頻年癡望總乖違。

●延壽寺孤居

室束如觚却自由。儒編覓帙任披抽。飛書墨妙懸三峽。堆典詩呆擁十裘。綠日榕濃能澹暑。黃雲稻熟足豐秋。退藏村寺交朋絕。百疊花崖一杖遊。

●野處

野處無繁客。嚴莊晝掩扃。吮毫翁寫畫。汲澗婦提瓶。花莫匆忙賞。泉宜半睡聽。青山眞老友。對坐兩忘形。

野處無奚僕。隨踪一小屨。垂竿山蘚石。繫艇水松椿。世亂詩多憤。愁深酒

莫降。笑憐浣花叟。頭白臥滄江。

●村屋遣悶

會譽詞壇拔幟豪。十年坎壈臥蓬蒿。聯舟合布圍魚陣。縛木權支豢豕牢。不學時裝丟笠屐。還棲老屋讀莊騷。此身匏繫傷藤斷。頭白終無汗馬勞。

●住江陂每日投釣感舊有作

春住漁莊水滿陂。折蘆飛雨濕鷗鷺。如孫自笑童時像。比璧還珍史料詩。少臥杜陵花歎歎。老尋蕭寺草離離。緣何珠履侯門客。寒瀨煙蓑作釣師。

●宴簡總監作楨

三年不到柳侯祠。蛛網張門拂冷絲。野屋喜來聽馬客。清禪同醉豆花籬。席無珍饌羞長儉。禮過繁文恐近欺。我亦扣壺歌伏櫪。對君任土一腔奇。

●次均和侯君鐵梅

①空村社鼓動游思。竹岸桃蹊悵步遲。花國嫩春人不老。輕鞭南陌試纖離。  
②濯濯童顛老不知。祇尋勁酒醉芳時。君看壘韻旗亭壁。句句空留後輩思。

●花壇曲

寇陷廣州擄歌女舞妓置東西花壇開淫肆快奸僞復食其其中稅惡百出民無聊生故紀述爲花壇曲

酒市春風綠柳天。花壇雜沓暗歌筵。隆官媚賈識仇寇。陪臉稱觴佯半顛。半顛記否屠城禍。越王臺畔猶烽火。閨哭聲悽野哭哀。桃花淚濕胭脂朶。淚朶胭脂踐路泥。花壇披豔壓長隄。新貴結歡迎日館。班輪環侍紫騮嘶。受降城遠愁臺近。歌吹樓高太白低。貴人誅獻窮羅掘。多少冤魂啼斧鉞。方聞暴卒蹴貧娃。爲舐醇筵拋地骨。鴉鬢烏衣滲血痕。箠餘跪作當街罰。當街人動兔狐悲。指是南關落難兒。八歲祇憐三歲育。十朝常受九朝饑。父刑灌水遭肢解。母被輪姦辱裸屍。玉石焚餘城破後。誰分稚女一甌糜。甌糜莫救夷齊死。餓殍纍纍廣州市。獸行倭兵梟獍殘。殺人血赤珠江水。血赤珠江水不流。貴人媚敵仍如此。誰家任俠五陵臺。弧月花壇炸聲起。中彈亡。虎偃耳。痛快貴人長已矣。

●壬午九月，蘆苞再陷，主座擬委余任三水縣長，召徵同意，竊以狎習拘牽，基層弛壞，情炎勢凜，知必無可爲，辭謝讓賢，非放責也。元暉詩「折腰不是淵明懶，作吏元非叔夜堪」余又豈可無詩。

隻手難爲天下援。弓旌每召不開門。青山豈被雲推動。紅萼多遭雨打翻。自份退耕聊保節。怎輕求仕又尋煩。樞衣直躡飛峯去。空靜無聞朝市喧。

●茗談

盞盃浸石茁蒲芽。小趣何堪對客誇。鹽甸數家煙細細。茸山一寺徑斜斜。暢談淪盃茶能白。久曝回齋眼易花。輸與比鄰狂老漢。大江高唱撥銅琶。

●輓故友金軍法執行監巨堂

酒戰戎帷往憶同。幾回清淚灑西風。敢隨韓愈追前猛。曾鑒荊州誠半雄。生不立功榆塞外。死當埋骨峴山中。寒星夜晃驚梁壞。獨弔人琴哭爨桐。

●張上將自忠挽歌

鍾祥克定荆門固。分閫襄樊置都護。催軍轉戰大洪山。萬弩馬陵夜飛度。閃電如鞭雨如注。風雷悞劈將軍樹。將軍血染侍中衣。猶奮睢陽罵敵威。死國教忠如夙願。敢煩一語報親闈。天愁默默長瞑矣。龍劍飛魂歸汗史。飲恨填膺將士哀。虹光萬丈冲霄起。兵振機槍馬負屍。重圍衝出環潭壘。雲陣風移守復



攻。山楓猶是血潮紅。將軍已作梅花土。我獨長歌不朽功。

●溪村燹後桃花怒開

玄都千樹已無存。紅雨還飛劫後村。若使祁連烽火熄。桃花處處武陵源。

●遇蚌埠故交憶遊鳳陽皇覺寺

憶昔經游到處狂。飛觴皇覺飲花光。臨淮芳草文茵軟。曾墮驢鞍號醉牀。

●次衡陽陪何經理綬章歡錢會部長

湘浦送檐輶。陪賓辱燕招。江聲官舫鼓。月韻伎樓簫。珠履三千客。絃歌廿

四橋。中原迷望眼。惆悵雨蕭蕭。

●由衡陽趁小輪往垵化龍作

小輪如越舸。獨客歎伶俜。機震馮夷鼓。烟拖駝鳥翎。峨峨南嶽蒼。嫋嫋湘

江青。慣寄殊方賞。船鑼水驛鈴。

●抗戰六週年紀念日，黨部周君振民，選新體宣傳詩數首索步，惜予未

惜，因賦短歌應之。

抗戰六年逢七七。軍聲雷動江河溢。國家民族斯爲上。軍事勝利屬第一。赴難同驅卽墨牛。殲渠直齧邯鄲蠡。湘擒鄂捷方宣烈。况值東歐軸心折。德窘崩圍意議降。日本勢成瓊中鼈。中華男子心如鐵。中國女兒肝膽熱。血債當然索血還。鐮刀誓把倭奴滅。國恥民讎永不忘。奮戎戡敵史書光。君看穿日惟中字。白日當天紅日亡。

●次衡陽，送黃少將思九回太原，占贈二絕。

- ①我下南船君北轅。驛亭歌酒送王孫。萋萋惜別天涯草。一綠黏愁到太原。
- ②征袂還沾別酒痕。晉河東繞太行根。天涯何處無芳草。祇憶王孫最斷魂。
- 八月廿八日經濟部火柴專賣公司，召開評價會，謝不出席，撥忙遊半天。

橘柚園林甘蔗洲。塵羈偷作半天游。胎珠剖貝憐枯蚌。巢葦顛雛笑拙鳩。棘刺挽裾聊駐屣。花枝妨帽強低頭。怕忙到底忙無了。哀我人斯亦孔休。

●癸未冬余居鳳田，韶市同業公會函催代表歡迎火柴專賣公司劉總經

理，不赴，箋詩答之。

○柴荆揖拱已多文。迎送何勞待使君。歌酒石花樓上臥。雙窓無礙往來雲。  
○一曲鳴琴別有情。山梅吹馥庾樓清。虛牕坐歎忘機客。雲去雲來沒送迎。

●夜訪周禪公聽琴途次

嗜聽禪公霹靂琴。興來幽夜一鞍尋。斜江牽馬渡秋月。細細寒沙水不深。

●踏歌

平生不慣陽城哭。麤服亂頭交佃牧。踏歌秋月環湖隄。木屐響於漸離筑。

●借廡乳源雲門寺

借廡雲門寺。蟲天小枕安。霜披千樹白。月浸一庵寒。攬劍傾腰舞。橫經合掌看。草茅聞治術。當代闕荀韓。

●野趣

春衣來送落花朝。野趣裁詩作畫描。樹引紫藤攀屋角。雲拖白帶束峯腰。問魚江介浮舟市。雉兔山樊繫索橋。最是柳潭游醉處。破樓依舊酒帘飄。

●甲申元日作

不用牀頭壓歲錢。屠蘇酒煖野豚鮮。山翁未慣行新曆。頭插梅花過舊年。

●與伯理吉菴秋雯趁鳳田墟，途約丘副鄉長超華，同醉村樓，蒸炙糍巴下酒。

招飲茅樓作小東。糍巴下酒春融融。陳絲柳廟祈蠶女。轉艇蘆灣活鴨翁。游肆可稱胡鬧輩。笑談難得滑稽雄。桃枝有意扶人醉。仰面迎他落瓣風。

●詠圃後老桑

欲柱駝桑僂莫扶。兩枝低綠北枝枯。蠶殘葢子辛劬熟。我意憐他比老奴。

●春日賦示邱君慶鏞

老樹深深巷。韶關近景妍。日斜歸燕宅。花落種魚天。况涖談詩友。何論買酒錢。漫云無逸句。春集醉毫顛。

●仲彝由陷區挈家抵韶悠談竟夕

側聞歸漢使。扶徙避兵爭。袋鼠懷兒立。蝸牛負屋行。去秦裘褐敝。歌范甑

塵生。待得岑夫子。吟壇又結盟。

●折杖行

廣東某專門學校教授陳語山，因惜杖折，閉樓痛哭五日，臂纏黑紗，黃廳長貽書勸之，不聽，窀穸已，復謀供薦南華，因作折杖行慰之。

山公樓下千竿竹。山公樓上圖書簇。比日不聞絃詠聲。始詫山公閉樓哭。號慟云爲折杖悲。不悲杖折悲情離。山公曠介無妻室。把挈此杖如愛姬。山公拓落鮮僑扎。簪盃此杖爲半師。賓朋感舊廣陵散。此杖患難相扶持。扶持患難忘年友。韓孟推衾能耐久。何物青驄遊冶郎。花落黃壚勸春酒。醉把游僊綠玉枝。顛狂折作章臺柳。柳折花摧杖一莖。著簪踏履忍忘情。美人別已傷南浦。痛哭何如阮步兵。杖折杖折哭杖折。春鶉啼上花梢血。掛劍誰憐感慨深。碎琴已歎知音絕。知音難遇歎如何。放眼輿臺士不多。我讀山公手搗翰。高論直瀉崑崙河。若營荒甸瘞杖塚。送殯當挽玄緋歌。若爲亡杖招魂祭。頂禮合誦阿彌陀。南華月落一聲磬。涅槃緣法都前定。君不見負荆廉閻刎頸交。看來一墮肩

頭飯。

●參觀三十六對愛侶集團結婚

人人夫婿說王昌。花嫁人人豔謝娘。今集一堂諧願鳥。齊飛七十二鴛鴦。

●與顧技師山麓賽棋

連朝鬪奕不輸贏。別陣嚴隈再弄兵。惹得風松棋技痒。搖枝落子點殘枰。

●陰曆四月八日作

坊寺近聞僧太俗。家居清話可尋誰。麤妻秤齊量鹽醃。讀戲稚銜葱作笛吹。  
差喜護雞重柵穩。卻便穿燕破簾垂。今朝浴佛龍華會。赤豆隨分混米炊。

●昨夕智生招飲樊樓，洪醉失謹，跽擊偵吏於地，深悔孟浪，韵述適自憎  
慚已。

酒亂言語多。愁深可奈何。何如拚一醉。慷慨發悲歌。嗚嗚仰天月不吐。舉  
杖作劍燈前舞。座中有客吹唇笙。拊掌扣瓶蹋鈴鼓。人生行樂能幾時。坤軸半  
折淪倭夷。會挾風雷起雲鬣。宣威一奮神州師。神州健兒盃在手。痛飲無愁千

斛酒。既自潯陽學射龍。不妨燕市交屠狗。蠹飲語無度。忽逢偵吏怒。試我武當拳。仆彼蒼生蠹。狎友扶歸酒更昏。曹騰墮入籠紗霧。

●臨書

欲寫紅箋十幅霞。臨書坐對一窓花。野蛾入硯頭滯墨。撲紙饒能畫蚓蛇。

●蔚弟供職馬壩，甚少回宅，過秦園，見諸姪遊戲得句。

慣訪何拘會晤差。女僮清供一甌茶。鶯覘木筆枝頭豸。雀啄醪醑架底花。詩骨柱屏愁半朽。道心凌厲戰紛華。嬉晴璉子兒童樂。春鬧秦園老弟家。

●潦橋

昨夜雨多灘不鳴。曉來春漲拍橋平。偶然沽酒渡斜白。躡履還疑踏水行。

●偶述

喜乘農隙賽冬耕。油菜披田豌豆萌。玩唱皮王操北噪。珍庖蛇犬作南羹。朋書屢獲伸眉讀。村路纔容仄足行。身耨妻蠶兒走學。一家存得亂餘生。

●悶來臨碑自遣

舒牋摹寫古碑刊。鋼筆何如敗兔翰。搜蠹爲防藏卷蝕。嗅瓶因惜酌醪乾。最  
愁豹隱文難變。差幸鷗盟老未寒。說到又陵天演論。種桑填海等閒看。

●午飯二首

○ 簾蔓搖花蕩似駘。庭陰小酌亦佳哉。癡兒放飯墮殘粒。雞母將雛穀穀來。

放翁詩臥聽  
黃鸝穀穀聲

○ 笑談幾噴成蜂飯。竈媪持齋嗜臭蠓。小女自聞穢函話。每餐搖扇卻蠅騷。

●村居述離索

久與名山遠結因。賣驢今作倦遊人。婦收刈稗殘梢穀。子拾樵蘇落澗薪。有  
趣清樽能卻老。無情白髮不饒貧。湖村夜賽婆官笛。詩律聞腔又一新。

●尋聲

竹霧藏橋空翠凝。是誰嬌語笑難勝。尋聲卻認耶溪女。輕担湖隄賣紫菱。

●參觀奇峰高足趙君少昂畫展

○ 雲韶院裡早蜚名。今讀靈綃萬幅橫。當代畫師多畫死。而君獨擅寫天生。



③ 畫裏含詩意更真。飛神知不忤塵塵。前身可是東君使。妙筆妍生一片春。

● 隨家兄惺父登獅巖望九子峯層嶂

莫笑惺惺白髮兄。攢眸臨眺老猶明。偏予凹鏡懸雙眼。幾疊雲山望不清。

● 閑 遣

樓窗獨凭作欄憑。縛得柴梯費降登。避亂珍書多散佚。帶醒華髮更鬢崩。藤花已是牽蘿女。荷葉寧非洗鉢僧。老興近抒垂釣浦。倚聲菱唱我尤能。

● 空襲長句，踞壕默占得半，歸寓足之。

警笛鳴鳴銅虎吼。居民紛渡浮橋走。報道倭奴空襲來。將兒負母奔林藪。林根遍掘防空壕。趨壕聚蹲心忉忉。俄然機陣疾風至。天半浪蕩翻秋濤。羣飛騫翼亂雲影。數匝盤旋驕一逞。男兒許國誓粉身。豈遇災危縮頭頸。韶關綺市黑烟堆。轟轟怒落晴天雷。災塲遍灑垓下血。劫火一炬咸陽灰。炎烽縷縷衝燄紅。焦門圯巷迴悲風。側聞斷脰腸懸樹。慘見飛頭肢散蓬。呼娘覓子搶地哭。沈寃痛被修羅戮。濫炸明欺沒設防。增強國力讎當復。衡陽雁陣忽驚寒。

盟機時  
駐衡陽

軋軋盟機樹杪看。聞道追踪殲頑敵。殺他十架日機輪。

●聞我國參加開羅會議偶賦

喜聞三國開羅會。一笑陳搏又墮驢。元宰議籌摧軸策。

德意日組盟  
稱軸心國家

諸侯爭下攢

秦書。勢頽納粹函車獸。難活倭奴困轍魚。戰勝我曹修越絕。記留薪膽莫全疎。

●雜詠

拖藤江路散幽懷。翁子年來步履乖。雨後怕穿泥犖埗。汀沙柔踏濕青髒。

●畫師黃君璧爲蔚弟作繪棉市春光圖和酬一絕

朝朝撲筆望刀環。惆悵羊城未奪還。洗砵淨儲荷葉水。研朱點上木棉山。

●徭山觀訪記

涉躑陽山陽。迴路曲江曲。一行登徭山。蛇繞復蟻續。盤巒插怪嶂。深樹翳昏旭。花石披菖蒲。絳泉澆躑躅。迹疲囊累肩。蹊偏泡生足。昔陋九夷居。今踐文身俗。盤屋白鱗鱗。芋畦青沃沃。迷藏一鏡天。開豁九垓局。徭冠插雞毛。婦

髻簪鈿粟。隆冬一燕衣。畢世三臆浴。得莫避秦人。依舊古裝束。挑酒逆遐賓。  
敲銅召與屬。伸吭歌艾莪。側足舞鸚鵡。不必相如琴。哄唱求凰曲。不必秦臺  
簫。圓歌招弄玉。今夜賽狐神。愛侶諧花燭。吹角搗皮筒。禱拜燒符籙。對客似  
申謝。作禮類牛觸。宴饗醜狸脛。恐中河豚毒。廬濕山夜寒。弓樣臥蓬蓫。倦枕  
警狼嗥。戒心殊戚促。曉霧漏微陽。野雀喧叢綠。怒筍摻長鞭。朝鋤魄新劇。蜂  
蜜玉脂凝。給釀芳禪醪。歸程九十里。千峰送回矚。雖曰躋絕勞。此行雅不辱。

●老梅偃臥籬缺，斜株壓花，交春，伸挺有起勢，賞詠長句。

交杓斂竹撐籬破。姹月偷窺老梅臥。骨頭清勁傲天寒。嚼雪吞香人一箇。東  
風吹暖江南陌。陌上繁花惹遊客。茜裙公子杏妝姝。花下金樽醉醇碧。碧酒金  
樽日易西。聲聲蜀魄遶枝啼。耗傳京洛遭屠陷。砲燹炎埃征馬嘶。江南樹樹蜚  
紅紫。穠花散逐燎原燬。殘城漂血倭刀腥。公子新降麗姝死。惟有寒園一老  
梅。愀天孽火不會灰。抱節願依丞相柏。勝軍期剪北山萊。冰河月冷梅花鎧。  
從戎大有雄心在。願盼嘗誇老子軍。豈辱清名作傀儡。

●春汜肆飲，逢周站長偶談。

春汜墟娑店。閒逢老驛丞。柳絲添鬢雪。酒滴結鬚冰。龜煖狸貪睡。風豪馬  
憎倭。據談無火炕。寒瘥潰醫繒。

●一臥

一臥蹉跎書劍年。題詩自問欠新鮮。癡如老鶴忘吞啄。愁似頑藤任繞纏。破  
筍補苴爲蟹舍。斷簾包絮作驢羈。蓬廬莫笑卑棲士。蘇季元無負郭田。

●過庾嶺詠梅

小梅關暖紅梅飛。大梅關冷花較遲。小梅大梅抱庾嶺。紅花白花繽紛披。交  
柯萬樹瓊瑤枝。仙葩飄動穠香吹。少陵骨格楊妃姿。瓌艷大叫天下奇。濯僊高  
潔忌俗筆。惜我吮墨無清詞。何當招得石帆叟。翁一樹梅花一賦詩。

●臥讀樊川集入夢

○愁來臥讀樊川集。癡夢還尋舊處游。瓜步泛舲渡江水。綠楊城郭認揚州。  
○顛夢渾參醉笑禪。青樓歌酒杏花天。醒來大叫平生快。騎鶴揚州不費錢。

●韶市電燈久滅，瞑坐口號

幽夜撞關婦稚猜。門前風撼俯柯槐。嚴城墨樣無鎗火。閉目哦詩莫笑歎。

●詠柳示仲彝

鶯花狼藉綺裙飄。無賴東風壓翠翹。嬌柳不羞棉市陷。歆隄依舊舞蠻腰。

●贈村叟張神聰

莫笑老村兄。閒談見物情。懶牛嚙田草。鬪雀捎牆英。劉季不爭力。嚴陵非釣名。共成枯木隱。杯酒肺腸傾。

●尊父遠由天津寄詩，有「論詩驥社一千集，先許棉城老少年」句，過譽慙悚，惟老少年三字尙幾，因賦八句。

期頤得半誰云老。把酒琴山渡劍津。翠柳葉搖京兆筆。絳桃花點美人脣。爭除愁睡原無夜。祇有牢愁不是春。豪逐五陵縱輕轡。金隄十里飛香輪。

●飯後放舟遲玩江月

莎齋晚酌半酡顏。乘興浮舟紫蓼灣。數點村燈聞犬吠。一聲漁笛喚鷗還。澄

江已印天邊月。柔櫓能搖水底山。美景仙仙弄清影。伴吟來慰野翁閒。

●書感

五十零年彈指過。依然宿郭飯牛翁。山撐石笏裝官貌。水蕩魚蒲惹釣筒。拂劍漫嗟閑處老。挈瓶孤笑醉中空。雄心一點凝丹在。望斷南樓送雨虹。

●戰時物價暴漲，豪猾乘機發國難財逾千萬者甚多，迂儒守志絕糧，憤作詩以示阨陳同病友。

磊磊文章落落胸。龜腸蟬腹斷朝饔。傳燈有幸師黃蘗。喻飲辟穀無方問赤松。蹄踵驅犇羞作僮。會葦詩，區區射利奔蹄踵。腰圍饑減瘦成蜂。侏儒飽死朔餓死。擲版應

嗟鉛槧傭。

●窮居草茅，遠聞國事感賦。

身是芄蘭德未馨。窮棲陋室那堪銘。兵書暢意軒眉讀。國事傷心皺面聽。轉進幸聞屯蜀郡。乞援僉議哭秦庭。我陳武德平倭策。機械資源兩大經。

●觀本法師移錫南華，訪晤根觸，因詠長句奉贈。

飲冰座上逋逃賓。當年傑出張舉人。汝南月旦號驍將。風檣陣馬迴天鈞。中

山與公共邑誼。鳩首曾參聯席議。

乙巳春，在橫濱新聞叢報樓上，兩黨會議合作，稱公幹旋致力。

借箸深籌爲國謀。圖

強革命斯同義。

當時總理力爭先革命而圖強，與任師先圖強而革命主張，互持遂寢。

憶公著述推盧梭。規疊早已倡防倭。

雍門歌哭魯連嘯。坎壈其如天命何。戰伐縱橫成往史。荷庵殉難松坡死。

湯帥覺頓號荷

弁，奔走倒袁，海珠殉難。

故交狼藉散飛花。柱眼滄桑吾老矣。湧泉寺唄千松汛。滄海月明龍

聽梵。老淚偷彈謝傅箏。捨身願禮梁皇懺。菩提樹下永皈依。咒砵蓮生振錫

飛。貝葉朝翻戒香靜。清磬夜扣禪機微。分天往事浮雲過。故人風範猶頌頌。

如來擔荷到南華。說法繽紛天雨花。師乃雲公老迦葉。會心相與闡瑜珈。我與

觀師夙交厚。鷄鳴風雨相師友。佛院重逢一愴然。不談國事唯低首。默默龍天

曉寺清。曹溪不作溜灘鳴。秧分煙綠毛毛雨。布穀愁啼一兩聲。

●寄奉鄧中委青陽寓懷

願借飛黃馬。馱壘入醉鄉。隴雲迷一鶴。陂草活羣羊。嘔酒須髯濕。分柑指

爪香。閒居思舊友。吹笛賦山陽。

●聞仲彝將適蘭州辦實業，歎羨神奮，詩以自壯，並壯其行。

大廓螳旋磨。高蹄絕曠遐。路悠車代步。客久夢爲家。岸接山根寺。溪留水面槎。何當持漢節。飛騎度龍沙。

●送岑仲彝之蘭州

客裏送行客。臨風別袖寒。泥深妨二屐。日落趣孤鞍。振志搖鯨海。過程響雁翰。挾書行萬里。應作虎頭看。

●過董村禪定寺

偶然游寺亦皈依。荒殿提觴作砒飛。金像剝泥趺佛瘦。木魚墮榻懶僧肥。垂蛛欲繫風搖幔。巢燕生憎糞浣衣。到此會心行脚偈。一參彌勒不須祈。

●初夏曝浴乳源溫泉

初暑溽徂炎。滴汗如瀉燭。乳源溫泉山。喜作露天浴。水散硫黃燥。渾渾吐蒼玉。久習東洋風。裸澡不拘束。浴沂吾與點。聖歎書所錄。湯沐氣輕清。葛衣涼襲襲。怡然坐茂樹。豁眼坡坡綠。輕颺送松涼。於此已叫足。



●穀雨感事，更成勃鬱之作。

僕僕塵羅五十年。故山回首一悽然。芳春悞入藏愁市。絲雨凝成打睡天。自  
累累人慚狷拙。事宜宜國仰名賢。關西夫子談儒史。莫以蠶窠笑馬遷。

●休居

莫管屠龍技。休居道益孤。避繒魚負石。沽酒馬知途。獵叟森髯戟。村姑暈  
臉酥。儵歌擲牛笛。端合老南湖。

●黃牛江

○水底朱霞搖。水面青銅閃。涉足黃牛江。淺沙魚可掩。

○母牛不渡江。小犢鳴幽渚。醮水一圈紅。花繞牛心嶼。

●甲申穀雨與妻散步黃屋茶子園作歌

茶村穀雨花離披。蝌斗生脚蛇蛻皮。與妻挽臂步塘岸。兒輩歡笑相隨嬉。去  
年粵北秋稼熟。徵餘尙飽顏公粥。滄海遺留皓髮生。窮陬徒亂還耕讀。耕田雞  
黍美朝供。讀書坐廢嗟無用。卽今屏翰牧民官。都崇絳灌輕姚宋。眞儒致治能

富強。不爲國用庸何傷。清粲果腹薄芸俸。倚耜歌踏春朝陽。

●夏永寫閒

孤居養拙從人笑。對瀑鳴絃山作家。竹溜引筒澆菜甲。梧陰拾葉煮茶芽。夕陽似送鷗回陣。午暑能教雀浴沙。朝市客來互握手。竟忘雙指約琴牙。

●偕陳伯理老弟攀探飛鷹峰第一泉

探瀑飛鷹峯。峯高陽亦淡。山橋樹作梁。棧徑藤爲纜。泉無一點塵。花有十肩擔。老巖滑蒼蘚。千仞怯下瞰。

●家兄惺父寄示贈觀本老和尚詩，並附觀本師和作，步韵賦酬。

不學癡聾道不增。老能拜跪亦賢丞。相輕木偶驕泥偶。無緒談僧擾定僧。迦葉撰文誰止觀。松明照讀我分燈。觀師詩思秋雲澹。閑種菩提縛架承。

●惺兄贈觀本老和尚原作

卅年睽隔齒同增。禪悅棲心擬右丞。道故攀荆疑幻夢。龐眉皓首認高僧。鷓山微笑詮真諦。鷲嶺靈光爇慧燈。回憶扶桑留教澤。及門桃李尚趨承。

●觀本師和作

佛言歷劫滅和增。杖國癡聾學許丞。芻狗同爲秋燕客。鳶魚合會啞羊僧。  
拍肩笑挹浮丘袖。點眼盍參無盡燈。如是了因如是願。我生唯此得師承。

●游彭家舊園所見

清閑何苦爲詩忙。紫菀經遊跡已荒。蜂抱濯花墮豚脰。鴨乘壞柵攢蟻塘。孱  
翁敗困小孃酒。醉友扶歸老樹莊。祇有南湖韜隱吏。不隨羣物鬧春狂。

●烏枝

烏枝無可依。賴有東臯薇。日熨扶頭酒。風欺露肘衣。已同藏墨瘦。不慣食  
糠肥。漸老父執少。長貧豪客稀。冠蓋烏習習。道心魚微微。會奮棠谿劍。紅塵  
叱撥飛。

●戰荒弔常德二絕

○得失孤城幾度荒。大隄宵潰總倉皇。可憐碧血屍堆裏。多少斜鬢墮馬妝。  
○綵閣朱門不復存。一春蕪雨泣鶻魂。頽垣寂寞圍枯井。中有孤兒啖草根。

●偶檢十六年前條陳當局文稿，夾存舊作一律，補錄留念。

休誇才智擅縱橫。賣劍徒勞墮堦耕。祇說射鈞容管仲。不聞薦鶡用禰衡。貂裘已作辭秦敝。馬角何曾爲我生。插足京塵留未得。清流關路策驢行。

●甲申六月廿四日賤辰，家人謀進壽觴，笑却之，因賦。

荷花與我同生日。今值荷花又一齡。半世備官殊冗冗。滿顛頹髮故星星。詩狂自負元龍氣。骨瘦人言野鶴形。五十六年稱老壽。錢鏗應笑未成丁。

●醉詠

燕酒鬧翻秦女宅。輕花亂打彈琴客。壺頭飛度醉將軍。洗劍明河秋月白。

●溪風吹艇入荷蕩中暢甚。

尖風拂拂水汨汨。釣竿搖似張顛筆。輕舟不掉沿溪飄。吹入荷陰擷蓮實。

●栖遑

栖遑復栖遑。常笑曲腰桑。

李曰詩魯城北郭曲腰桑

不習逢迎慧。徒勞造請忙。深門藏杖迹。

破壁漏燈光。若說吶靴鼻。寧爲田舍郎。

●窮巷

窮巷少賓客。豪門多酒殺。廉隅迂世賞。酌應薄真交。絲來漂母飯。壓倒鄒公庖。古人杵臼間。投歎如漆膠。

●散策城村灣閒覽江景

疎懷抱卷讀莊韓。秋景臨江縱意看。魚鼓兩頭淵放沫。鷺拳一足水凝寒。溪翁繫艇沾村酒。蠻子持叉代釣竿。老境但尋幽趣適。天游隨處總漫汗。

昌黎詩，  
野屋漫汗

台，林花  
照耀開。

●鎮江祠秋賽，順往豐田灣南岸一遊。

不耐松齋晝掩扉。江祠閒看賽神旂。浪磨灘石作鵝卵。風拂蘆花飜鶴衣。脫笠放歌驢耳側。刺船衝靄笛聲微。耽游垂老讀書懶。學佛原參峭峻機。

●與書始妹倩遊外海茶庵清瀾二寺

村寺松簷蠓殼牆。古風還見鄭公鄉。蘆灘蛤艇橫秋水。柳岸魚罾掛夕陽。詩境淨如看佛畫。酒顛強要勸僧觴。禪前漫作柯攀語。醉眼觀時空熱腸。

●秋憊赴齋僧寺作二首

簷鐸響秋朝。奇懷不自聊。雨淫輕粉蝶。風扯破衣蕉。惱鼠齧書笥。喜驢肩酒瓢。兵棋贏兩局。乘勝賦僧招。

寺徑紅葉飄。僧候蟠藤橋。立嶽企勁踵。眠岡伸懶腰。雲根挖松篔。瀑水烹蘆苗。一飽笑捫腹。豁然塵障消。

●舊寅馮何兩秘書來試釀酒，適陳公治平在座，一笑詠律句。

勉飲十大斗。詩勁能如響。老友三人禿。秋齋一榻寬。園風飛橘彈。浦月泛菱盤。互笑彈冠去。程鄉作酒官。

●殘秋夜坐作

鬚屑生棘髮鬚髻。意氣猶誇蒙叟鵬。宿火煖爐便熨酒。破襦鼓吻亂吹燈。冬糧薄貯無多子。古硯常稱耐久朋。欲遜禪門歌一鉢。每談薙度惹妻憎。

●醪宴周禪公席間我最年長

會宴鳴琴客。圓亭望角湖。夜闌花氣重。秋靜月輪孤。惜醉把虛盞。調歌敲

缺壺。幽并逐年少。諱老不留鬚。

●偶讀南海物質救國論書後

唯物唯心早揭。破垣環目瘦金書。飛機噪作雷天鼓。潛艇悠然沒海魚。師道不行愁退黜。國恩長負歎迂疎。祇今合著錢神論。蘭忌當門任翦鋤。

●通俗病

利己主義箇人本位，是中國致弱一大病源，道義長淪，即戰勝亦足亡國。馮生慨談作弊新花樣，排價結憶遠行百十步，爲詩洩之。

率俗病利己。叨貪忘義忱。讜言傷俚耳。昧字瀆官箴。擲國拚孤注。攻心費七擒。慣聞征權吏。不憚四知金。

●豐田均山徑喜遇陳處士公鐸

莫說緣慳會晤艱。隱侯終得覲清顏。詞壇負譽鼻比長。笠屐欣逢飯顆山。挹袖忘言元亮醉。囊詩一笑步兵還。風標嶽嶽陳夫子。雪月岷峨未可攀。

●憤賦入首，問嫌辭鋒欠藏，姑錄二。

從今不敢輕餘子。羊胃羊頭遍拜官。典郡舉親宜十壻。

晉書劉弘傳治國宜以一國爲心必若姻親可用則荊州十郡安得

壻  
十女

陪臣執國憫三桓。漫云馬弁無殊顯。祇要麟楨有外觀。魏志掄銓辨才器。

知人畢竟讓曹瞞。

三郎封爵如泥土。盧犬登庸亦爪肱。便足辟恭純善佞。忸怩變色象唯能。國亡曷配殉財死。政騙宜乎躡筭升。茶白草朱漫紛詆。午窻羣集負暄蠅。

●贈馬渡羅公子平

官癡殊失布衣尊。解印歸來一笑溫。舊治猶留花滿縣。先生何許柳當門。飛峰踏得雲端屐。橫笛吹空月下樽。奇挺庾南論詩骨。酒邊長拜墨崑崙。

●讀陳處士公鐸貺詩，並辱來訪，喜賦排句寄酬。

惠我碧籠詩。高篇璨雲棟。絕唱天雞鳴。不施神馬鞚。元魏鼓千槌。桓伊笛三弄。文陣我騎猪。詩壇君吐鳳。未交氣已餒。再接汗凝凍。竄稿句難安。繹思疑轉闕。虛閉后山門。更慚夫子瓊。凱風薰南樓。涼泉瀉幽洞。慕庾企柴軒。攀稽結巖夢。扁舟泊園湄。忽報陳師虜。清晤一何歡。拖筇將二仲。咳唾生珠璣。揮談雜吟諷。挾策擔帷驚。按圖規矩中。周道方倭遲。魏弦失虛控。金劍歎沈埋。煙霞抱餘痛。叫嘯迴曼吁。賡歌接虛哄。盤餐苦市遠。麥粥調牛漣。原知粟



里貧。不厭顏回空。日斜槐臥影。山寂鳥爭啼。翔伴處士歸。喜望溪雲送。

●飲西郊酒家出門頽倒

酒座飛紅櫻散風。豚飽擘餠香饌饌。斜簪絹蝶當墟女。倒策藜鳩醉眼翁。老趣戲談忘木訥。奇緣顛仆臥花叢。頽齡莫笑腰無骨。從未權門一曲躬。

●讀宋明亡國史實書後

朽索維膠造父噓。秦封天醉未敷施。我行燹里傷戎馬。人誚官衙坐野狸。誅斂謂能敲怨骨。政欺何貴飾豐屍。况逢國難驚離析。一哭橋陵淚似縈。

●閱報占韻誌事

轟響夜雷鳴。株州潰亂兵。闕逃先掠貨。飾戰自焚城。雨散民驚難。風淒野哭聲。可憐溝壑骨。紛死太無名。

賴有衡陽守。籠城戰幾旬。丹心護家國。碧血濕荆榛。薄敵嚴圍陣。提功震列鄰。勉期湘桂綫。駢力扼衝津。

●野語

使我沈吟三唾地。榕根兩叟一般談。焚城嚇敵災先受。飲鳩膏狼死不甘。將爲謀紛翻取敗。兵因餉薄故饑婪。測溟偶爾齊東語。時邁芻蕘或可參。

●痛全州不守

中原板蕩吾何望。戟指全州罵怯奴。遇敵又聞三敗北。賦圖眞歎七嗚呼。雖云忍淚能誅謾。已憾懸睛看入吳。蹇免韓盧秦一搏。虫沙桂柳太無辜。

●秋夜讀墳篋集，有懷家兄惺父，六弟蔚侯，七弟國彥。

櫺格張紗不障寒。却穿蟾魄照書看。閒身與鶴無官累。古劍藏龍有匣蟠。兄弟風萍常聚散。家鄉雲月幾團圓。枕前獨置聯珠集。臥聽秋城戍角殘。

●自感

強學樊遲稼。曾無一溉功。歌魚扣長鋏。獻鵠達空籠。老瘦字出骨。牢愁詩欠工。獨酬襟抱快。芳酒滿郛筒。

●近作「冷雨悲鴻曲」，記友人離亂失婚，而黨部指爲譏刺湘桂戰事不力。傳呼扣留，羈室得絕句，以炭大書粉壁。

掉頭却畏強籜口。政系兵顏野史知。詩草竟罹文字禍。蘇張從此不談時。

●夜讀排悶不覺至曉

自悔不賢人拒我。古書饒有切磋朋。秋窓撫卷埋頭讀。到曉還明昨夜燈。

●夢遊天臺觀櫻醒枕得句

夢游身跨羽輪輕。放杖天臺攬赤城。錯怪青山抹紅粉。原來開遍絳雲櫻。

絳雲櫻一名八重櫻，與山櫻別。

●報刊「丁偉先生，新舊詩評」，「砦詆唐宋詩，謂留纏足氣味，是辱國也，

戲賦一律，以質公鐸同調。

詩思藏稜莫近名。偶從閒澹寫幽情。邇來時彥倡新體。多指塵篇笑老傅。諸子任持諸子說。少年當讀少年行。憑誰一代詞鋒將。敢與吟壇李杜爭。

●鳳地澆風，去致強期望甚遠，偶書所見一二爲詩

臥起經年一草寮。互鄉難語倍凄寥。堪傷爆水殲魚族。魚砲也。傷人。更惜燔山損木

苗。

冬期必縱火燒山

鬻婦鬧成驟馬市。

上習驢妻勞役，輾轉鬻實以爲市。比年鬻猶，更多拐陷區婦女來售，村墟排立，媿夫者索價特昂，付穀卽任驅歸，間有涕泣奔逃，致筆被

縛桔刑者。

樗蒲羣鬪雉盧器。

風田墟煙賭叢聚，而當局發表，尙謂推行禁政，成績甚佳。

陸沈於俗傷頽靡。何處容身老

牧樵。

●韶關陷敵，問道逃鳳田。

寇犯韶關城。兵守韶關隘。國危民命輕。拚搏拚投芥。轟煬亂飛火。爆炸重  
闔壞。彈嘯老梟鳴。機盤秋鶻快。難尋藕孔逃。密禱修羅敗。洶潰闕鯨波。竄七  
驚羽鍛。隻身雜流亂。一葉舞澎湃。回眸望燄海。燒作通紅界。啼嬰抱母屍。敗  
馬尋荒砦。寒夜破軍星。淒傷不叫怪。

●村酒

村沽甜膩近椰漿。傾盡瓠壺不透腸。記飲烏程醪醪酒。鱸魚時節菊花香。

●重陽後十日病起書事

今年又負登高約。秋雨相如臥茂陵。病過重陽吟閣冷。一枝殘菊插壺冰。

●離居

老學從天放。離居未覺愁。江樓三面水。野笛一聲秋。竹硯耐研賞。屏山供

臥游。此生最閒日。應記住南州。

●徐老伯避居來訪卽酬

五畝桑麻宅。窮栖遠戰氛。曝書避簷影。洗硯沈池雲。悶結琴能解。顏衰酒易醺。我生原寂寂。不願有誰聞。

●梁參議乃賢勸入陪都一行却答

欲涉陪都路。先嫌脛欠長。眼臃雙鏡月。髮脫半梳霜。老學愁攻璞。豪懷歎望洋。不如坐簷角。消受臘梅香。

●倦讀賦示劉前鄉長宗梅

學佛難吞一硃針。老研西籍更書淫。賣文幸免抽商稅。徵役愁聞索代金。魚婢佐餐還入笥。木奴經蕪不成林。幽棲莫笑無擔石。貧賤猶存養鶴心。

●步均和陸秘書微廬懷贈

天雋微廬久仰之。秘書人譽鄭當時。知交不僅尋談笑。傷亂難能守默癡。舊社已荒懷白下。新詩差喜付紅兒。

羅虬詩有紅兒百詠

臘梅坼萼相逢好。翻盡花前醉莫辭。

●天寒乘酒漫作

客到寒園正搾醅。亂紅飛雨冷春杯。歡筵酒亦忘形友。倦枕書爲引睡媒。研杏試調孫楚酪。煨芋輕撥懶殘灰。比來徒事加眠食。拊髀茫然笑一回。

●樟堤野飲賦示秦主任劍魂

不是懷奇不坎軻。寄情天放奈予何。青山浮動雲疑水。碧岸交黏樹接柯。肺渴索醪窺鑿落。野談分石坐盤陀。須知政亂投閑好。且把牢騷付醉歌。

●涉園，卽課麗琛秋雯女姪。

○鵲啄棠梨花。棠梨枝動蕩。動蕩復動蕩。曳破蜘蛛網。

○探擷枝頭薦。胡桃顆顆肥。觸架驚薔薇。蜂挾蕊香飛。

●薛前縣長漢光，率鄉兵轉戰抗敵，來廠集結，占此錢之。

衝彈提麾上戰場。死期公葬樹棠鄉。已傷列郡供蠶食。豈辱清門作虎倀。守控穿山成土塹。笑談裂帛束金創。威名白馬稱長史。子弟兵雄殺敵忙。

●村女藕珠來韶談蘆苞近訊

苦從鋒鏑訴顛連。無力能回杞國天。饑婦棄嬰啼壞屋。顏翁縮首拾災田。軍興州郡疲供給。寇至官衙預徙遷。多少難民逃不出。站頭兵攫檢查錢。

●曉起

曉起鈎簾放燕飛。閉園春寂雨霏霏。掀髯看鏡形非老。聳膊成山貌欠肥。萋替枯株生綠葉。苦教裸石着青衣。亂離一飯稱難得。芋粥浮甌未算微。

●二月十二日醉後復飲，抒興寫抹，不知題意云何。

詩勁如屯細柳兵。恥隨時輩盜虛聲。花生剝筴嚼奇句。秫酒翻壺飛逸情。枯吻索鷄家婦惜。雄心躍馬里閭驚。誰輕伏軾鄙生老。會下全齊七十城。

●予素不喜集句，侯參議鐵梅，持所集放翁句百首來示，約飲農場黃主任家。

龍養胡髯鹿養茸。偏予點墨未藏胸。偷詩最怕斯文賊。集句聊稱活版傭。老友分杯陪痛飲。鄰姬拭杵助新春。偕遊每被笑頑骨。竹傘挑囊不曳筇。

●韶市歡宴薛指揮官座次，余主任秘書竹籟，即席步韵示和，歎其雋捷，

因再疊韻奉酬。

曉霜緹幕冷氎茸。文采雙眉道一胸。借箸掃平盤壘敵。辭官思作灌園傭。

(說苑)於陵仲子，  
辭三公位而備灌園。

懸魚具見書生素。辟穀無勞廡下春。愧我戟門重過訪。依然樽

酒挂吟筇。

●市聲聒耳無寐偶懷幽棲

襪被焚樓學睡僊。市聲毋乃太騷然。何如棲靜伴一鶴。玉笛吹上崆峒巔。

●隱士黃俠，業鍼灸，舊爲雲階帥府幕僚，邇返山西芮城，慮其不易抵達

，中夜結悶，裁詩遣懷。

南鴻羽漸北鴻冥。懷友看移處士星。夢繞兩峭飛不度。雨迷山驛聽馱鈴。

●中秋

一年一度團圓節。水調歌頭唱伎樓。餡餅供盤拜明月。詩瓢臥酒過中秋。奔  
媿窈窕誰能見。跨杖高寒我欲游。老興臨江夜吹笛。天蟾飛落戲魚洲。

座客某校師媛，欺醉索再賦。



偶被姮娥妬。狂詩續一篇。冰壺儲冷渾。月餅惹饒涎。笑弄來琴友。飛騰學劍仙。中秋望斜漢。蟾魄十分圓。

●秋暑與客乘涼夜話

月暗蒼蒼岡。乘涼屋後塘。竹枝垂露滴。螢火熠燿光。客醉互談鬼。稚驚頻喚娘。歡怡哄清夜。荒話雜諧莊。

●迂翁

鋒芒太雋不如渾。歌笑絲人罵醉昏。舊友勸杯驚酒量。秋山藏寺露詩痕。膽瓶老菊留餘馥。毛褐初霜護半溫。一意屏除官氣習。迂翁能守內剛魂。

●啖橘

風枝搖葉拂輕霜。庾橘堆盤喚客嘗。頗似南洋啖珍菓。榴連餐後噎回香。

●飛來寺

可是匡廬般若臺。鏡中巖閣洞天開。攜峰落峽飛來寺。莫問飛從何處來。

●盲仔峽

喜聞獻捷淨邊氛。奏鼓矇矓史有云。莫笑么麼盲仔石。

石狀譬  
儻甚瘦

也尋出峽謁將

軍。

峽口將軍形  
更迫肖。

●申已一秋，四過連江口，舟泊偶誌。

翩翩言去復言旋。旅悶長憑勁酒宣。風靜斂帆泊江口。買魚楓岸夕陽船。

●故里久陷，先祖遇良公祠，與六弟手建憶母亭，均被村豎拆毀，臨址悵然。

剽拆祠亭數十楹。低徊殘址一盱衡。哲人每被聲名累。頹俗常呶細碎爭。竟有張儀欺楚霸。再無曹劓劫齊盟。里徒豪奪從來事。尼父曾云畏後生。

●勝利歌

嚴鼓嘈奏歡稱觴。鞭炮壘響旗飛揚。萬歲呼祝聲崩梁。日皇修表降四強。袒膊繫頸愁牽羊。天聲人語傳報章。軒轅有靈綏欃槍。將士虎賁稱龍驤。功讓訪美昭儀娘。齊盟晉霸援一匡。開羅協議聯疆防。美軍參觀機翱翔。原子兩彈倭魂傷。勝利受降揚國光。反顧內治真茫茫。養俘百萬徒飼蝗。滿途餓殍災田荒。

○收點壞械還劫糧。九年血債無取償。老翁驚喜憂徜徉。守國望勿忘綱常。百足之蟲防不僵。

●戰後返羊城，齋廬復被摧毀，歸無所宿，一歎。

赴難漂離歷八年。歸來庭院鎖荆煙。羊城漠漠無完宇。挾被辛尋壞廡眠。

●兵戢，喜兄弟重會穗垣，兩恣情話，誌賦截韻。

兵戈廬旅亂愁增。豈不懷歸畏友朋。千里弟兄十年話。西窓殘夜雨侵燈。

●戰後公務員絕無保障，新官上場，則舊員裁易，某府舊識何君，從難轉徙，服物亡劫殆盡，被裁流落，一家顛運，謀鬻子女度活，予哀之，勉贖五千金，趁難民船，作詩送其回里。

某提新篆某歸田。悲喜臺堂愧拍肩。開白曉花來寄豸。抱黃秋葉墮殘蟬。既云負舅盟河水。豈待燔縣禁火煙。今日間關從難客。幾人揮淚上離船。

●吳君子楨函勸入黨，謂向後黨外簡銓不易，雖辱注愛，却甚蠱測予心，復緘，勉附八句。

一笑俳諧放浪翁。滄江漁屋臥空濛。搖盞大戰昆陽雨。鱗酒豪歌易水風。未肯攢眉參佛社。尤當刮目看吳蒙。京華轉問金章吏。老學何須黨籍功。

●何部長，受降日軍，口賦自和。

○蘭錡韜兵日墮江。我軍神勝挽宗邦。勒碑磨筆無多字。曾受夷師百萬降。○忠憤搖山義漲江。桓桓軍氣壓東邦。九年我國熊羆旅。戰士曾無一介降。

●聞中央公佈外蒙獨立深歎而悲

北眺龍城隔雁沙。外蒙獨立竟宣麻。早知碧眼拳毛客。要摘黃臺抱蔓瓜。已痛望鄉題嶺石。哈密望鄉嶺。有李陵題石。再愁出塞聽琵琶。邦分共忍此離苦。五族毋忘是一家。

●過港訪晤黎兄伯敏即贈

兵戢香江訪友兄。延歡竹院繞欄行。投降面覩鉗蹄繫。脫難身逢馬角生。久別宴談共悲喜。老來觴政殊縱橫。知君潦倒中年後。花下愁彈謝傅箏。

●詞客潘飛聲蘭史，爲港聲妓梁秀嫻繪抱琴圖，一代名流，吟贊滿幅，港陷，移藏樵雪樓，樓主黎伯敏翁，出軸索題，因詠四截句。

- ①莫怨飛瓊下降難。嬌花扶月影姍姍。抱琴夜慰潘郎寂。一曲巫雲帶笑彈。
- ②琴伎詩豪一段情。愁將玉杵聘雲英。玄霜合搗長生藥。挽臂蓬壺躡月行。
- ③傷心詞賦送華年。韻事留題畫裏僊。說劍堂空問蘭史。一雙飛燕蹴琴絃。
- ④娼媚梁爨不慣愁。抱琴圖亦釣詩鈎。名流琢句詠香玉。豔史藏眞樵雪樓。
- 曾席，偶論時批，詆發接收財與發救濟財者非是，重招讒嫉，聞某顯派員偵伺，躁言生禍哉，却又一詩了之。

貪吏如莎綠不芟。擺頭橫議我遭讒。雖同淬劍鋒難斂。除泥銜杯口可緘。支榻老龜方痠塞。窺簾子燕又呢喃。解顏一笑斯須了。狂客原師賀秘監。

賀知章號四明狂客

●程君業驥，約喫加拿大館西餐，並赴梁欣生兄席，被酒而詩。

古格時流罵臭糟。洋裝髭蓄蟹臍毛。包烹我厭西餐飫。醉唱人稱老噪高。才退已難批紙尾。眼明猶足察秋毫。笑提肝膽話杯酒。生死屠酤弄政刀。

●贈阮君退之二首

菊馥薰襟陣陣飄。知君鑿酒敵無聊。連年烽燹藏書佚。寂夜雲鐘入句銷。笛

竹吹爐談煖閣。花門送月渡斜橋。休提共有奇懷抱。哀樂侵尋鬢已凋。

相許紅梅是女仙。窮簷索笑早嫣然。懶雲遮屋容君臥。古劍橫腰說我顛。慣見虛銜臚冗士。何嘗薄俗識高賢。蝶塗香粉蜂爭蕊。不鬧寒江釣雪天。

●聞軍委會夏總參議斗寅，及齡退役，寄呈。

坐勝酬勳授寶章。五常先仰白眉良。將軍健飯三遺矢。節度能軍半段槍。滿秩史崇龔遂老。據鞍人贊馬援強。何時漢上重趨府。客座叨陪北海觴。

●余長官調鎮衢州，李處長烈崙餽餅辭行，賦示惜不及。

攀桃捎落半枝紅。幾片西飛幾片東。獻策每慙遼豕白。控弦當讓佛狸雄。客貽籠餅羣童喜。室擁書城此老攻。濕路衝泥跨長耳。江天微雨送殘虹。

●僧漢山卓然麗琛，壩園品茗。

煙裏壩園博士家。臨軒清友話幽遐。飛飛燕拂社公雨。灼灼桃飄天女花。段

老一盤煎韻餅。

據言，段維智一餅煎成一韻。

盧仝三碗搜腸茶。

盧仝詩，三碗搜枯腸，惟有古文五千卷。

斟壺笑聽閑中

聒。牆外紛騷吏卒譁。

●予詩怕縛束，公鐸偏吟「小樓春雨杏花飛」七字索綴。脫小字，被罰牛  
胖燉藕，酒二觔。

無味文章不救饑。年年耕雨執春薇。魚分芟沼東西出。燕傍花樓左右飛。供  
客半筐銀杏熟。劇園盈把玉葱肥。時揩倦眼勵新學。老下書幃未可非。

●守貧示公鐸

清貧能守策非迂。環堵蕭然不賤儒。支饑大露鎖子骨。掩泣難落鮫人珠。吳  
季懸劍報心許。灌夫使酒瞋面諛。生平反羨卞父則。兩足直絕權庭趨。

●歡迎集訓總隊來村分駐官佐

州戶流亡戰後饑。雨淒焚磔水埃微。汗牛囊幣論軍賞。凱騎酬功恨爵稀。繚  
葉市門迎武選。磨刀厨俎割鮮肥。寒村釀宴華章客。老子先忙典布衣。

●調公鐸一律

春鮮傘菌煮槎鱸。餉客何無博士錢。花棗巷穿新燕宅。蔚藍湖浸小魚天。解  
嘲塾榻眠經笥。償酒村墟賣硯田。之子比來游腳懶。扃門勸讀蠹生麈。

●病起理琴閒遣

清絃一奏廣陵音。已絕朱樓鋼索琴。減病合依陶止酒。撐饑宜學許餐金。風拋柿顆驚眠犬。水暈魚瀾落釣禽。氈帽插花惹蝴蝶。二分孩氣老郎心。

●新穗垣建設觀感

嬉逐浮華國力孱。播音臺唱念家山。抱溫香玉游郎臂。垂捲青螺舞女鬟。福特車停踏路側。霓虹管照陋塵間。戰餘羅綺嗷塵滓。十畝桑閑拂袖還。

●兩山遷宰翁源附書卻寄

惜將詞賦掩奇才。儒吏騰遷一快哉。宓子擁琴初始縣。楊雄提槩久淹臺。勞徠幸獲荒田熟。撫字矜懷甕里灰。戰後振頽寓蘇息。邑歌何暮雨公來。

●觀楊女士海泳二絕戲示凌六

① 翩翻戲水鴻。斜趁浪花風。日灼佳人麗。紅酥膩欲融。

② 公子意何如。紅蕖瓣瓣舒。腰肢逐流轉。活是美人魚。

●天趣



園丁朱鼻惹蜂針。天趣浮於讀笑林。

隋書經籍志，集笑林三卷。

瞎子閉眸聽電影。聾翁兜耳

看收音。會心已悟圓通偈。得意能爲汗漫吟。客約陸顛上茶館。旗槍揮去賣豚

金

廣州茶館，奢費可驚。

●里社，爭矜顯舊爲榮，雖笑柄，亦饒詩趣。

襲紫紆青邑里誇。附名親串總聲華。麻婆自詡珍珠面。跛女羣稱躑躅花。刻畫世情蛇有足。宣揚官治鼠無牙。遮街密柳搖冠過。武衛呵門太守家。

●久客，有懷惺父家兄，蔚侯國彥二弟。

恨賦歸歎路阻躋。江郊卵石彈驢蹄。鵲鴿竝羽冰枝煖。鴻雁征霜曉月低。娛酒語溫棠棣宅。瞻家年仰木奴隄。冷床燈動牕扉咽。兄弟離懷入夢悽。

●諭城兒

兒耽賽球，故戒勿荒學業。

龍猪別賢愚。丕基宅教育。從來滿架書。不入懶者腹。陶侃運百甕。惜陰勤一條。讀書咀其華。糟粕勿庸掬。學求爲國用。不必泥干祿。修行砥儒名。孫謀思式穀。近時尚英美。科學宜躡逐。戰餘民力瘠。工鑛弭危蹙。切戒習浮奢。浮

奢災所伏。體育賽藍球。過耽妨習讀。不如伴秋燈。書聲響茅屋。

●歐園宴招，有歸僑幻法助興，驚座捧腹。

當筵客弄洋魔術。我亦豪分解語杯。老不兢寒頭養雪。睡能作法鼻呼雷。竹深易引愁琴入。花放無關羯鼓催。酒意惺忪人笑倒。又喧拳陣鬪猜枚。

●訪澹筠廬

竹苑露齋楹。尋踪吏隱兄。池風吹縹碧。蘿月挂圓明。攜管泉魚出。賡詩野鶻驚。石頭殊老實。扶國可同盟。

●秋階閑蹀得句

蹭蹬籬花階。吾生歎有涯。小蜂潛筆腹。老鶴守書齋。封事存殘稿。吟情負曠懷。漫嫌秋冷早。橙味受霜佳。

●途值故交楊檢察官伯臯，北返新城任次。

離琴憶別湯師閣。楚雨燕雲念念情。車笠偶逢雙挹袖。路隅歡話一班荆。我慙抱負成空想。君著賢勞策令名。此去青衫願珍重。中原國共尚鏖兵。

●秋日閑遣，重到江氏廢園。

舊壁留題剝蘚尋。破亭人佇半邊陰。榴皮字字摹金錯。篁陣槍槍挺綠沈。久  
曠癡教旁屬目。將愁劃斷託秋心。秋心倦抱晴雲想。不願閑飛欲作霖。

●積雨感時，偶疊前韻作。

戰國興亡按史尋。挾雷當起震凝陰。人言曲巷迴車易。我慮危舟積羽沈。近  
習借官便殖貨。屢聞鈞黨太傷心。空禪悶守長秋院。密雨濃雲十日霖。

●澹筠廬雅集拈韻得緣字

詩官棋帥酒家顛。竟夕高談結妙緣。竹院彈琴秋瑟瑟。花池弄月水娟娟。簪  
爭蠹盞蛙催鼓。竿挂魚衣鶴入船。醉態傴僂舞狐步。不妨滑倒臥苔顛。

●江門道中

輾止軻行信亦緣。再携書劍下滄川。溪奔怒漲喧魚市。岸抱彎橋蛩隱船。未  
許扣關容建策。那能迎吏強懷甄。休嘗讜論無奇字。老是楊雄守太玄。

●夢醒得句不安，曉窻再賦。

邊患驚心噩夢多。征駝衝雪渡交河。有時積憤成枯笑。無地容狂付醉歌。處士牕虛雞可語。冷官門寂雀堪羅。國危豪猾爭牟利。除却黔婁總是魔。

●占答硯農兄持贈畫幅

○逸筆竅奇山。雲庵花樹環。緣何有詩畫。寫我叩禪關。

○禪關我不叩。遠公未沽酒。記否醉南湖。湖橋臥溪叟。

●洲心準提誕日

旅悶結胸無酒解。估春行遍路東西。偏逢寺鼓催村老。雜沓齋壇拜準提。灰水唵喁文壘鯉。花泥坩啄壽塘雞。厨丁未肯供烹割。反笑先生不食齋。

●客

至 周文海珊與姪希文兄，有二阮風度。

屐齒印階痕。囊琴客到園。竹標高士節。花現美人魂。滴露滋桐乳。流泉灌石根。未妨遲月上。詩律對樽論。

●自贈

新穀初秧舊穀虧。(鹽鐵論)新穀熟而舊穀虧

撐饑難下仲舒帷。鶯捎杏朶連蜂落。魚弄荷錢

惹驚窺。挹景有時聊恣適。居安無在不思危。生前好喝一杯酒。莫待花枝啼子規。

●賦得如何得何字

淮南得士多。吾未如之何。陸變愁耕海。棋終笑爛柯。挾書辭冶父。促棹過曹娥。射石將軍老。能堪醉尉訶。

●戲代硯翁題繪漁幅

莫怪魚家不牧豬。豪門竿牘有苞苴。（莊子）小夫之智不離苞苴竿牘半清半濁滄浪水。閒縱鷗鷺袖手漁。

●歸村慨作

深栖巷屋堪蝸縮。閉劍長懷彗掃天。不許絕私容國策。歸休凌厲種書田。犬馴且侍翁游杖。狸懶偏分客坐氈。老拙退舟怕談學。播名當讓後生賢。

●族弟梅和任粵財政廳長，喜陪謁祖典禮，爲詩贈之。

樵山送青來。染子青羅袍。還鄉簇軫旆。颺喉翔雲高。謁祠榮族親。饗會懽

閻曹。吾祖宋上舍。徙宅曉之臯。耕讀萃成村。代有垂紳條。今弟節冰臺。實跨前賢豪。國蕩道揆墮。哲人心忉忉。兵凶困財瘠。賦繁胥役饒。勉惟厲素志。展續訏謨勞。佇聆萬姓歌。一沐時雨膏。

●公烈股長爲予措大看相占此一笑

自份無侯骨。衡茅坐廢淹。却炎揮籜箒。障日下蘆簾。蒲履軟而躑。荷衣濕不沾。閩人譏薩老。婆相欠須髯。

●物性二首

書獸已半癡。物性猶孤奇。風竹響老骨。雨花凝濕脂。石爲長坐客。匏是倒繡兒。倦斂鋤園手。來要嫗解詩。

物性本無奇。書獸祇自癡。赤刀懸皂角。金彈落黃皮。驢病懶游屐。魚猜驚釣絲。劉伶呼酒渴。傭跛夜沽遲。

●宵飲

嚼句夜思飲。詩瓢俚酒杯。疎竹掃殘月。曉階尋不回。

●閒 以題爲韻

老知文字拙。綺語逐年刪。婦報晨炊熟。僮偷午睡閒。衰顏緣酒絳。疎鬢爲詩斑。默坐銜菸斗。濃煙噴幾環。

●攝影雜水，疊閒韻誌游。

游翁到處閒。呼艇暫姑灣。曉攝離江影。霞天飛白鷗。

●痛 所見

久困淒霖臥一樓。下樓邏卒滿街頭。鶯驚弋彈飛還轉。草受馱車偃復抽。鄒魯關餘民莫死。荆舒懲後楚多囚。室戈或有邦螫詆。我拜巢由欲薦羞。

●友勸競選國大代表箋答

才器稠中辱賞稱。鷓儻自份遜鯤鵬。珠遺滄海誰搜得。蚊負須彌我弗勝。敢以書迂期衆選。理應民表待高能。師傳獨守寒衣砵。差似雲堂過飯僧。

●風雨歸途作

歸心催急脚。登路野程賒。怒鬼風號虎。轟雷電掣蛇。雨敲油紙傘。沙噉橡

膠靴。驚起蘆灘鷺。羣飛一陣斜。

●放顛

娑羅社日談天會。抵掌驚筵我放顛。已笑國安槐蟻夢。况聞官坐野狐禪。寡人有疾何如貨。頑石無知大可鞭。餒飯聲名直誰齒。不因王後愧盧前。

●可園卽事

時寄住蔚弟家。

拓落愜幽栖。藏家密柳隄。疇平寥宇豁。樓聳遠峰低。玉虎鳴苔井。芻人護菜畦。澆醪留韻客。同聽隔溪雞。

●家老惺兄見示「閱報費詞」一首賦和卽呈

政況連編不足觀。荒亡道揆喟然歎。如毛莫翦憑凌盜。作俑應繩泄沓官。國際老娼勻頰粉。黨紛羣稚索梨盤。銛筩鈎距權宜事。推奉三民豈者般。

●品·茗

耽禪清號喝茶癡。魔女提壺更可兒。湯嫩乳芽談舌滑。辭香當和杜秋詩。

●夜讀，聞國共軍事，頗有伏櫪投閑之感。



夜學兼修問陣書。邇聞葦沸戰荆徐。功名冷缺馮唐老。竹雨彈窓事總虛。

●偶抽咸韵得二絕記事

① 鮭燻蹄凍飲徒饒。鮮味無如啖血臙。漫謂癡翁長黃酒。市墟加我醉侯銜。

② 舊譜翻彈愧阮咸。耕田猶着破征衫。溪隄樹樹波羅密。悞嚼鹽桑刺舌鹹。

鹽桑爲溫帶雙葉植物，結紅實，附鹽如霜，而嵯鹹甚於黃海。

●投閑

投閑緣乏拔天才。客到柴扉撥草開。酒後故人留劍別。雨中奚僕送詩來。矜  
寒老柳能分絮。作態修篁已結胎。笋名竹胎，見竹譜。花落春陰愁特地。荒基延佇杜陵臺。

●記趣

家僮鬧戲翻筋斗。打破山妻供佛瓶。欲議薄懲無一可。罰他旁聽誦心經。

●曉起

菊負濃霜枝鞞攔。地爐生火曉窻寒。夢中苦哭緣尋母。醉後豪談竟罵官。空  
院慣聞羣雀噪。小齋聊作老虬蟠。操觚未便磨稜死。虛牝黃金強說歡。

●春日寒甚漫筆

春昏寒霰撲齋來。熾炭烘糒亦快哉。魚奮怒鱗牽水荇。雀跳駢脚啄階苔。洗將瓦盞吹醅飲。煮得簷花犯雪開。莫太拘攣語臺閣。隱淪聲重呂東萊。

●卽事寫詩，陡聞巷評結句。

癭鳧曝岸曝。

癭鳧或作英鳧，俗謂審鴨。

池涸皸龜紋。米蠶懸齋實。胡香閉牖熏。軒眉談妙句。

○掉首看新聞。市媪閭婆鬧。鄰翁慣解紛。

●劣

作

(某錄)，指放翁詩爲學杜之最拙者。予特喜其拙，學爲拙詩，不及，自分拙而劣矣。

詞人編削總靡研。奚唱西崑詆鄭箋。燭燼夜窻迎月讀。爐熏午榻聽香眠。才低畏被稱詩伯。世亂呆思學劍僊。不見燕金再延士。隗臺今薄樂生賢。

●夜夢公鐸來，謂赴臨江軍幕，醒枕誌懷。

宵夢冷齋來舊雨。煙舟云下判官灘。懸知范甑生塵久。怕濫齊竿挾瑟難。詩伯老能耕鄭谷。國人徒學步邯鄲。支羶勁骨稜稜見。犯雪綈袍不畏寒。

●可園屏居作

託廡橋南擁翠居。斜曛送雨閃東除。渴吟吭引千鍾酒。假寐頭憑一笥書。大匠却難雕朽木。矮人何苦跨高驢。餽賊得策非吾齒。老子能安緩步車。

●絕炊示老妻

○烹珠爨桂嗟何給。劫質椎埋遜不能。溝壑填骸滿良懦。我原絕粒啞羊僧。

○仰屋誰能啖肉糜。不如飲水讀僊詩。邇來服氣調氣息。瞰影枯蓮貌歎奇。

●接陳處士公鐸噩訃，呼哭愴心，阻於盜，莫能馳祭，惟集賻撫卹其家。

哀深，輓詩三廢不能成律。

黑塞夢君燈黯雨。驚傳裂素撫膺看。心摧季劍臨墳挂。調散嵇琴忍淚彈。死訣友聲遺瓿稿。生專儒學惜貼竿。飾終莫歎衣棺薄。菊樣黔婁慣傲寒。

●退讀

退讀溪齋小市通。豆花籬落雨絲濛。文心馥郁蘭吹氣。舞臂盤挈劍拂風。古學固知違衆賞。儒裝不願逐時同。何當秘策陳靈轄。禹域戡夷板蕩中。

●送凌六遊馬來半島

君登入海舟。壯觀星南游。踞架乘馴象。閉籠放信鳩。森椰猴岬路。蠻瘴纏溪頭。汗漫盧敖客。何妨遍五洲。

●半牢騷作

風騷強半是牢騷。悶對簷花酌冷醪。剝啄鳥敲扶屋樹。蒲盧蜂鑽曬衣篙。縱談屢犯批鱗戒。耽詠寧辭擁鼻勞。莫笑屠龍技迂拙。庖丁看奏解牛刀。

●聞某將軍避居香港惜之

披髮興戎禍太深。神州號痛陸將沉。孤臣已下藏弓淚。壯士猶存擊楫心。去鑊陣前抽庾矢。斷音絃外聽雍琴。望門可向誰投止。季布髡鉗亦國箴。

●代同宗賦酬杜司令長官聿明

威名武庫將軍裔。九省雄師一手提。艦破玄濤重海窄。機衝碧落萬峰低。神軍漳浦屯橫陣。士女襄陽唱大隄。日落戍旗風獵獵。黑河征馬望塵嘶。

●邀仲彝澹筠二兄來試虎骨木瓜酒

竚候籬門半日癡。孤輪車笨客來遲。龜池擲餌魚先啖。佛磑供花蝶未知。一

獲縹清評酒力。三人浮白唱巴詞。哄堂醉倒文章伯。祇吐醜槽不吐詩。

●詠俠小紆感託

大俠風高不小兢。吳鈞脫匣自稜稜。伸張莞獨眉端鎖。要鑿騎壬面孔冰。夢  
叫洗天翻怒海。醉思騎日度飛陵。己聞季布重然諾。豪氣新豐韞獵鷹。

●贈巫副局長愷藩兄

知也無涯生有涯。爰將翁像挂書齋。花移駿閣春偏早。雪壓貞筠寒更佳。廉  
吏家聲貧莫諱。歡朋箋候老相懷。遙欣卸甲將軍健。繫馬蒲臺雁齒階。

●感時自惜，社日，以詩鳴之。

不賁蒲輪合耦耕。哦詩又結社前盟。磨驢繞踏慙千里。又鳳拘攣老一生。報  
國幾經投袂起。望天難耐戴盆行。重瞳隆隼都英物。惜有漁賸鵝蚌爭。

●火車中默作

去軫旋轅年復年。呼龍蜿蜿又耕烟。連排樹晃車牕過。上下牀分旅客眠。燕  
粵縮成雙軌地。嵩衡嵌入一壺天。穉兒我亦髯孩子。箕坐搖籃自粲然。

●清游遇雨

欲詠宜春語未工。詩名老更不償窮。偶推杏轡稱花后。豈讓榕鬚作樹翁。酒閣坐看飄檻雨。鐵橋飛度跨江虹。清泥亂踏闕游屐。已怠讎書半日功。

●夜

賦

時住雲  
浮南鄉

身是梅花最老枝。溪橋臥冷不依籬。燕遷華屋營新壘。犬守寒門念故知。白髮愧陪紈袴笑。雄心爭逐羽書馳。斗城蘿月無春色。撫劍蒼茫夜賦詩。

●憤時事

射潮強弩今非昔。抉眼吳胥史已詳。慣見禳神局牖拜。誰能栽李代桃僵。裘凋費與狐謀腋。牢破難憑虎護羊。悵望九龍盈瓦礫。不傷吾土更何傷。

●閒放寄意

錦城官馬競騰騫。擯黜緣無媚鬼錢。春臥事拋酣枕外。野吟詩在倚筇邊。盟鷗合浴蒲花水。拳鶴聊芟麥子田。棹散未甘爲國贅。草窻閒續檄蠻篇。

●偶作呈惺兄兼示蔚弟

車騎京華作勢雄。鬧春池院小橋通。彎腰怕仰官求活。拊掌寧遭鬼笑窮。悔  
敦露頭滯墨草。難堪斲鼻運斤風。清詞欲唱毋須唱。世事搖搖燭影紅。

●排悶

抑困園廬若繫匏。功名難免斗筲嘲。花低燕擘新蛛網。林凍鳩爭舊鵲巢。字  
幅阿兄攘袖草。詩箋小娘墮鬢鈔。著存覆瓿文無色。愧聽期門奏鼓鐃。

●痛國共和議決裂，雙方積極用兵。

忠黨何秋將不奇。驍名還有李鷗兒。兵訐怒決蓬龍戰。國病疑須扁鵲醫。已  
痛虎狼強噬肉。那堪人馬瞎臨池。秦亡爭鹿無寧歲。解鬪憑誰射戟支。

●聞某賈競選國大代表失敗，耗財十億圓，一笑。

膠鹽傳版追墳史。佳進沾名豈自賢。高颺紙鳶難戛雨。碎敲陶鼓不喧天。虛  
榮要坐捐班轎。競選徒花賄票錢。衆望幸歸陳仲舉。謂他能比李膺肩。

●可園閒作

莫指鋤耨笑老殘。陽晞棗頰半凝丹。揉花作餅餐仙桂。屈竹成籬護女蘭。啼

上短牆雞隔牌。癢揩頰樹彘蹒跚。閉廬却悟投閒好。小仕匡時柶鑿難。

●丁亥除夜二首

瘦石寒梅亦舊賓。椒漿除夕祭先人。兵戈喪亂家頻徙。兄弟艱難老更親。送臘竹爐陪守歲。浮生花甲歎奔輪。桃符綵勝無錢致。未必蓬齋不駐春。

喧城處處吹彈鬧。鳳紀明朝又孟陽。雙鬢雪添千縷白。一瓶花放兩年香。賣癡偏我還馱子。獻頌隨人賀吉祥。分歲里廬舊風習。老家團舉逐儂觴。

●元旦慨詠

龍躔簫鼓鳳池聯。門榜珠璣麗句穿。串爆喧同榮任馬。舊符撕似被裁員。細斟柏葉心先醉。徒頌椒花意未宣。今日綺筵團拜鬧。好誰供奉買春錢。

●戊子春，六弟生辰飲席，卽賦歌之。

此日佳日弟誕辰。春風淑景桃花新。筳杖扶將集親串。野韭剪綠庖紅鱗。若光巖景誰能同。河東女子答老翁。摩挲銅狄數百載。五十爾許方童蒙。杯香院落飛晴霰。弦枯人生重相見。携手花前老弟兄。追歡幾度生辰讌。按拍高歌箸



扣壺。彎腰大笑頭沾鑊。和樂稱觴先介眉。策勳還待柱山詞。阿兄鎖贈無惇物。祇壽當筵一首詩。

●徙居

儻得郊廬便徙家。丁男執麥婦絢麻。青溪浸白未斜月。綠葉藏紅初綻花。牧笛短腔迴草際。釣綸生計老雲涯。不辭憂國長消瘦。愁上眉端酒量加。

●破曉

睡起操拳步踏輕。小樓殘爍漏微明。穉生凍柳蘇春色。喉滑初鶯轉曙聲。曉市魚蔬紛竹擔。荒疇畛畔列楸枰。閉門熟篠煎茶熟。坐聽鉶笙百慮清。

●正月十二夜澹筠招予同默齋仲彝各賓歡飲珠園花下

媚珠樓角玉鈎生。癡約棠梨作豔盟。一曲落梅人困酒。三更華燭客彈箏。哦詩白傅敬烏幘。解醉紅兒破綠橙。短景春宵娛未足。明朝再聽柳橋鶯。

●倦讀

倦讀拋書畫枕肱。爐香飄縷度軒層。雀窺困破呼羣啄。花仰樓高引蔓登。絮

掃每勞尙背嫗。歡談時蒞解頤朋。年來國幣成芻芥。喧似春潮物價增。

●山遊

尋僧不見鳴鐘寺。小憩婆酥賣粥家。見鹿樹深聞木斧。飲猿藤老繫魚槎。萎  
花插笠香微嗅。折屐遊山力陪加。驚石崩雲響寒水。仙溪還待飯胡麻。

●春閒雜詠

詼笑談春總佛機。穿窻陽綫散霏微。鴨撞沼荇蛙深沒。鶯掠簷花蝶倒飛。里  
少遮門逢女怒。村婆解襜賽嬰肥。蕭閒近習傳燈錄。頻赴僧齋酌酒稀。

輕囊脯楠過樊陂。亭館深毗小佛祠。繞水竹分寒玉韻。出欄花弄艷陽姿。女  
驚階滑嬌顰好。翁負牆暄瞌睡宜。活是懶春圖一幅。鉛膠斯老尙黏髭。

肥翁學接巴黎吻。笑倒歌筵壓酒娘。櫻顆鶯餐三月熟。花房蝶戀一春香。抽  
黃刺水蘆錐短。搖碧穿烟柳綫長。今日武陵桃瓣水。好誰踪跡避秦鄉。

松挺高柯弱蔓依。錦城紛放野薔薇。晨參有韻鄰僧磬。午睡無聲懶婦機。草  
屋簷低藏雀少。蘆洲水滿上魚肥。出門軟踏香泥路。紅濕春衫杏雨飛。

●向某公條陳金融整理計劃

諸賢袖手無長策。我謁田蚡作忤賓。逐利怕生盈足爾。爭名愁撲滿頭塵。金融黑市難焚券。曲突鄰家易徙薪。不第秀才彈訥舌。閭閻延閣上條陳。

●條陳久未批答誌歎

揮子樸棧費決杵。麻衣早已識公卿。雍容拯溺何其慢。揖讓澆焚豈近情。莫笑鷓鴣行不得。從知反舌聽無聲。老嫌春夢還多事。謬向南柯釋蟻爭。

●正月十六十七兩日終風甚暴諸友戒不果來

風伯揚塵撲庾樓。老松號簸氣颼颼。笠飛帶繞遊僧頸。髻亂蓬生吸婦頭。縛壁已驚扶樹屋。衝波難榜轉灘舟。故人偶悞詩鐘約。知亦雙橈阻石尤。

●美睡清思欲僊

氈牀臥對竹牕虛。夢蝶身能栩栩如。月姊理粧常引鏡。風姨作劇亂翻書。惜無洛水要神珮。賴有蘭翁結素魚。老欲跨機翔碧落。崑崙積石訪仙居。

●步和仲彝元韵兼簡默齋

酈生落魄馬卿貧。古哲嘗言患有身。我我周旋寧作我。人人總說不如人。繁絃急管宣哀樂。廢史頑碑混質眞。最是孤山老梅樹。斜枝終遠九衢塵。

●簡陸蘭因同學勸勿北上

書生縛袴欲從戎。弦月江天嘯夜風。得失焉知非塞馬。往來應歎是邊鴻。曾聞雋逸栖方外。豈信英雄入彀中。不絕南溟莫舒翅。癡龍攀石已疲墜。

●拜祠後饑甚得酒偶吟

條桑拂葉柳牽絲。喜值蠶眠拜后祠。

祠祀蠶神黃帝元妃西陵氏

挾婦怕聯纏足步。調孫癡被

捋鬚嬉。畦乾夜雨栽蔬早。市遠晨炊待米遲。賒酒漫云杯興淺。隔籬呼飲野翁知。

●夜悶約客游獵

休譏馬齒逐年增。夜眺層山老興憑。坵竹風哨能叶笛。疎檐月轉勝移鐙。守齋悶似閉關釋。謔浪欣來喧座朋。凌旦約遊娛弋獵。肩鎗囊彈不須贈。

●諷某君別戀

新枝花豔舊枝欹。奩鏡分鸞黯半離。春老露桃含恨淚。月斜風杏弄幽姿。漢文故劍垂綸冊。五段淒絃記屢屨。塵篋棄捐合歡扇。阿誰薄倖仲卿知。

●赴沙灣舟行誌快

疲旆澀巖風。勞舟下滄渚。膝包足途餽。橘酒邕棋侶。水濶望平漫。天高悞尺許。疾帆衝鳥陣。響櫓奪人語。對唱凌虛歌。頓開沈鬱緒。金牙啖餅郎。素足刺船女。指岸黃蘆漪。摩舷紅蓼嶼。江磯趣棚棧。沙田執桑黍。舁輿墟里路。訪戴岑山墅。回眸濺日波。一笑快遐舉。

●值舊識漁老羨之

解劍亭邊一再逢。鮮鱸換酒釣滄翁。老頭白似搖花荻。醉臉紅於染葉楓。秋樹露根維蜃艇。夜潮侵岸拍魚籠。侯門素食稱彈鋏。不及漁歌唱晚風。

●由雲浮縣蒔田鑛場。偕薛技師基縣，陳隊長綽，申隊副元東，羅保長石雲，暨專家馬伯鈺彭文基等一行十二人，取道大金山金子窩，前赴雲霧山麓探鑛，山旅旬日，僅占八句誌事。

一行互笑穿山甲。探鑛叢巒促杖前。喧瀑鼓昏狂漱石。頑峰疊膊欲梯天。相依月洞防狼禍。斥候宵崖讓犬賢。雲霧空濛不知路。嘯吟飛上翠微巔。

●二月十四日小雨復晴赴黃世講婚燕後作

小雨蘇春未救枯。城花歷亂點苔蕪。豚偷匿廁期逃宰。燕幸栖梁免納租。紅帖喜筵陪伉儷。青鞵醉脚蹋泥塗。宵歸破酒行歌適。冷月隨肩伴我孤。

●雜感

鶯泐池頭雁斂翰。鄰齋借得舊書看。已聞無忌能全趙。頗諒留侯未報韓。曹椽拜趨工伺色。布衣談笑重披肝。醉尋野友問消息。瘦倚霜橋梅夜寒。

●小述

塞巷葦花春太深。緣株達杪作登臨。蚤騷痒似芒留背。蜂螫恫於頂着針。鬧舍閒眠墟畔醉。炎軀冷噓瀑邊吟。年來碰壁摩頭栗。痛定尤焦許國心。

●經花埭游魚珠

山倦梯盤恆水游。風流原學韋蘇州。柳回媚眼窺郎臉。花靨香脣笑老頭。沙

岸高低吞葛屨。浦雲輕薄逐菱舟。小姑洲上藤蕪路。別惹詩情一種愁。

●誌 歎

露宿堪稱臥月賓。長安屋貴范丹貧。腐儒遭擯吾何黨。僑侶歸談國最親。耿介每多屠狗輩。英雄偏是捉刀人。屈龍成寸蟠泥滓。慙愧春枝看蠖伸。

●與仲彝澹筠二翁談至深夜

老友閒踪不約遭。疎眉壽相現長臺。坐分鐺足三人對。枝壓樓頭一樹高。竹井吐泉供乳茗。雲綃曳月澆花醪。投機話匣開無厭。不憚祛蚊爇艾蒿。

●口占代友題畫

砧杵磯頭采伴妍。酒帘輕拂杏花煙。收綸釣叟抱瓢去。浣女持篙學刺船。

●談內戰不弭誌痛

尺布能縫米可舂。緣何兄弟不相容。脫禪屢捕深潛蟲。擐鎧加防亂刺蜂。若使讓盟刑白馬。那須延禍戰盧龍。老儒呵壁天無語。花外愁聞報警鐘。

●黨某謗予誹議近政有友代辯來告因作

聰耳誰聞蚤蠶音。我原呻病作吳吟。醜花欲語還遮臉。老樹虛懷不見心。莫  
悞星飛彈夜鵲。須知地吸墮林檎。閉門避謗絕游賞。日對儒書端布襟。

●清 栖

清栖殊託草堂靈。當戶榕山擁樹青。洗硯何嘗污乳鴨。披書偶惜見枯螢。小  
齋遮幌延香坐。鄰閣搗筆駐筆聽。欲向江南問春色。折梅不易寄郵亭。

●游金剛山破寺

躋攀層嶂路彎彎。獨叩巖門雙獸環。僧老瘦如猿着衲。石奇蹲作虎當關。觀  
雲倦努金剛目。染翰新題菩薩蠻。破刹漫云絕叅拜。藤花登塔禮空山。

●龍逕川記事

腰古牽桅溯上游。山村霾雨聒春鳩。碣窩嚇盜吹螺殼。樹腹藏神祀石頭。崩  
岸埭多嚴課稅。早河沙淺苦扛舟。更饒一種奇風習。田鼓喧敲賀鬪牛。

●珠園遣興即示澹筠仲彝默齋

四友娛談半善談。常燠茉莉作茶煤。芸齋納月開書幌。花閣藏春入酒杯。燕



客倚歌情激越。謝娘吹笛意低徊。熙然最是端居叟。能養心丹老不灰。

●春朝自詠

漠漠春烟翳素朝。蛙跳龜曳總無聊。圓融老畏磨頭角。生活貧堪食緯蕭。已悞破瓶抽浪井。再難高屐渡繩橋。香紅藉地東風惡。獨笑藤花架雨驕。

●即賀蘇默齋翁雙親八秩壽慶

子是儒冠不仕身。循陔歌養慶嘉辰。綵衣妙作啼嬌稚。羊麪先頒祝壽賓。里宅椿萱雙蔭葉。山園桃杏各生仁。拜庭喜叙通家誼。華耄稱觥八百春。

●水浸

激溜如簾瀉瓦溝。終朝人坐水晶樓。渠堙積雨潦漂髀。街浸成池扉作舟。軒蟹戲撈頑豎喜。鹹蝦佐食遠朋留。悵然憶得去年事。石角圍崩鄉里憂。

●可園即事

種樹溪園汲灌宜。弄閒親斫礙冠枝。饑猿趁月來偷果。鬪鼠搖藤悞墮池。口淡更能翻白酒。眼明猶足寫烏絲。鄰婆莫笑詩顛瘦。老驥心雄骨格奇。

●戲嘲對戶婆子頻詈

對戶先生不厭譁。羣紛慣坐勃谿衙。雞攻鸚鵡徒餐粟。蝶妬蛭蝨學抱花。碾  
礮纜車相響軋。修藤密篠久撐拳。痴聾合掩姑翁耳。鍾郝原知屬一家。

●派潭道中

安步貧儒久弛鞍。驛程趨脚褐沾汗。憩談野旅同掀笠。坐睡溪漁竟墮竿。蒼  
柏老橫騎石氣。錦雞徒響出林翰。已闌歡緒情難遣。尋着花山快一看。

●獨夜慨時作

食薇方見伯夷清。足媿時流互釣名。春樹競生鸚鵡色。風扉搖作桔槔聲。世  
情隙月依孺白。心事殘燈剔焰明。愁夜朗吟南海句。放翁詩夜讀楊柳南海句始知天下有高流宿簷幽雀

漫相驚。

●坎

坎

賤奇果  
安弟

莫對聾翁發妙歌。縱承虛領不知何。郎官幕職招延少。措大儒裝補綴多。釋  
耒我遲株下兔。分銅人盜棘中駝。裁詩刮得杜陵骨。已慣酸辛長轡軻。

●野屋

惜無胡矮老。野屋伴幽單。垣缺圍鍼棘。庭坳莠劍蘭。箏槽謳粵曲。椒蒜治川餐。電話茶坊借。邀朋殊沒難。

●送酆處士蘇叔回豫省洛寧與默齋仲彝分韻作

處士星移斗柄西。旗亭歡餞共留題。飽經憂患詩能老。閒話興亡語轉悽。江撼石城沈鐵鎖。人過晉殿唱銅鞮。椰關別有公歸路。香雨巖花白馬谿。

●宴珠園步韻卽和澹筠原作

竹林以後雅游難。酒興詩緣幸結歡。楹樹吐丹鮮似槿。薑花吹氣膩於蘭。笛吟海鳳成啾響。盤進侯鯖美食單。醉渴早知狂客熱。玉樓風月夏宵寒。

●居鄉閒眺作

六十杖於鄉。鄉前隴坂長。楓溪浮紫纈。蔗埒挺青槍。戲鳥翻層塔。歸牛避壞梁。故園承祖蔭。嘉樹兩三章。

●山居漫成

薜荔遮巖屋。藏眞世不知。瀑喧爭澗急。雲懶出山遲。死薄奴官塚。生慙黨籍碑。荒村聞傲亂。窮鼠啣昏狸。

●贈同邑李孝廉蘅泉

一笑題牋句自妍。青蓮畢竟是詩仙。花前薄醉迂辛酒。竹裏清彈小阮絃。才氣瞻君雲抱嶽。虛名慙我勺分川。孝廉船泊蘅臯水。江月檣頭份外圓。

●坐雨得句

天半雲流墨。來溜白壁樓。高梧敲冷雨。一葉一聲秋。哀蛩嫋餘嘶。愁絲生浙瀝。雖曰不關情。慰人鄰女笛。

●贈馬教授小進并謝讌招

花甲翩然老少年。記曾促軫濯纓泉。

泉在什邡縣有促軫亭

臯比坐久聊爲隱。鐵硯磨坳

未易穿。頗喜新詩傳白社。却憐清廟歎朱絃。雁來紅室

馬老彌名

陪君飲。醉態豪於

拜石顛。

●題陳博士公達寒瀛擷秀圖

過車翼翹風。秋塵翳飛旆。驛迎陳博士。朋舊含喜會。柳柳州迎齊進士序朋舊之徒含喜來會博望迴槎

一笑欣。法盧充篋泰西文。周游尼孟歷聘訪。擷秀寰瀛圖使君。使君譽滿儒林

院。上庠設教龍頭選。方正學詩，名高自是龍頭選。鶴雀銜來講座鱣。鱔蛙庖具先生饌。山谷答史楚師詩，歲晚

已無雞可割，同蛙煎鱔薦香醪。摧心戰鬩起蘆溝。子弟兵能禦寇讎。許國教忠同赴難。閭闔提校

徒韶州。危城烽鼓驚宵騎。草偃儒風作兵義。司馬法，作兵彘作事時。匝海南鍼玉可攻。勞膺

觀探單車使。孤機神翼點層蒼。心事夔龍啓沃忙。白樂天詩，堯舜水理切，夔龍啓沃忙。起馬攢峰劃

華印。載驅馴象禮羣王。炎荒跋涉黃埃下。東窮舍衛西羅馬。櫛扇非洲炙日

駝。苦征沙陸顏塗赭。歐美輿圖紙半張。衝航橫略大西洋。濤號萬竅靈虬氣。

詩引連宵壯士觴。碧痕峰嶠鳩鵲逐。忽耳收音南美曲。倚風舷檻眺巴西。舊大

陸移新大陸。紐約蟠紆白練江。侵天樓閣簇霓幢。僑胞擁隊迎溫使。喜淚頻詢

父母邦。故舊更來西僑伴。留賓太學哥崙館。講壇刊籍重宣揚。談綺科車繁謁

歎。陸機句，掀髯阻談綺，細讀寄來書。又義山詩，科車適故意，侍香俾靈氣。參觀國力究兵工。愧被名邦諄內訂。秘製略聞

原子彈。飛機蝗起襲濛幢。美洲踣重修巽教。大學二百八十校。陶冶共和大度

民。嗚嗚未許忘忠孝。忠孝肯爲立國基。華僑謙讓足箴規。集資廣學貽邦範。  
僉舉陳公作導師。踏破坤元東復西。觀摩博洽五年睽。萬里鯤游知海窄。一機  
鵬展覺天低。歸歎賦與星旗別。檀島飛花送行轍。十八學士登瀛洲。借古  
句。瀛洲  
淺印丹砂血。海舶拖雲入國門。樞府隨參百揆尊。完成使命承嘉諭。琴劍輕裝  
歸穗垣。相將迎得使星回。新釀葡萄正醞醅。與君月夜談天姥。風颭檐花撲酒  
杯。

●題廣州大學校慶紀念畫軸二十二絕

民國卅八年三月三日，廣州大學成立廿二周年。就展覽會內，舉行書畫  
揮毫。陳校長擬題曰：「桃李春榮」。於是廣州名畫家，李君鳳公，趙君少  
昂，張君韶石，黃君獨峯，黎君葛民，黃君鼎革，蘇君臥農，麥君漢永，周君  
一峯，李君撫虹，黃君榮，麥君漢與等：聯繪花卉二十二種，以爲廿二周年  
校慶紀念。並推衡分詠二十二絕，以題畫軸。續紹之誚，詩拙增慚，祇惟助  
興云爾。

桃李春榮

廿二周齡校慶盈。師生絃誦武城聲。開筵坐花夜秉燭。滿座春風桃李榮。

春梅

一夢羅浮玉律迴。仙標還自占春魁。國花璀璨含章殿。借用唐書壽陽宮十，梅花點額事。不是寒

梅是暖梅。

桃花

十里桃隄花氣凝。洛陽春豔紫騮矜。劉郎兩詠玄都樹。不及橋門望武陵。

李花

號國春妝澹掃工。露珠研粉不施紅。含情井上繁枝朶。能代桃僵已可風。

木棉

花炬丹山梗控弦。枝枝憤血越臺邊。將軍樹作南天柱。畢竟英雄是木棉。

杏花

飛卿詞賦手能叉。花宴瓊林插帽斜。風逐馬蹄香十里。春歸紅杏尙書家。

紫 薇

翠蒂牽紅樹樹肥。鳳凰池閣鎖朱扉。愧予素乏詞曹筆。也學移牀對紫薇。

牡 丹

一枝穠艷清平調。妃子應憐太白才。莫笑臯比擁春雪。芸香吏見牡丹開。

樂白

天詩，一作芸香吏，三見牡丹開。

海 棠

碧鷄坊裏紫襦仙。花鬢春慵婀娜妍。爛醉要爭蝴蝶宿。放翁原是海棠顛。

玫 瑰

笑倚章華妙舞頻。絳脣輕吐媚香春。要知玫瑰花城寵。擷艷防教刺螫人。

木 芙 蓉

塘外輕雷玉輅塵。絳仙原是綺羅身。新妝鏡裏芙蓉面。綻朶含姿太可人。

芍 藥

雕欄芍藥雨絲絨。珠綴宮鬟玉鞞簪。花后洗妝紅的的。春風吹艷到江南。



杜鵑花

姪姪覆額髮初齊。畫裏紅粧翠羽笄。寫到春心更愁絕。杜鵑花裏杜鵑啼。

蘭

孤芳微歎露根難。墨葉藏花未肯丹。縱謂楚辭滋九畹。已傷尼父操猗蘭。

蕙

浪蝶游蜂着意狂。嬌紅濕露泣春芳。蕙幃牽恨蘇家女。織錦迴文寄寶郎。

鷄冠花

扶醉東風賣酒家。珊瑚冠朵絳於霞。既云赳赳雄姿好。鷄幘寧非武士花。

山茶花

山茶佛說曼陀羅。赤朶蒼枝意趣多。分得旗槍僧寺植。瓶花清供伴香婆。

香。灶

小爐也。

百合花

蟻閑經春未戢訂。叢花低白俯瓊筒。虛懷接物夫誰咎。百合當稱好好翁。

玉 簪

鬧苑鶯花三月三。倚欄人唱望江南。懸知十二金釵隊。仕女班頭說玉簪。

朱 藤

葉底朱鈴綴印纍。董幃深下士林推。齋庭莫謂無春色。一架藤花自在垂。

水 仙

瞰影彎蛾兩點顰。聊依水石寄仙真。陳思縱解要神珮。羅襪凌波不着塵。

牽 牛 花

襲紫紆青總欠馨。生生驕蔓蔽藩亭。緣株強作凌霄勢。花號牽牛不是星。

靈 芝

家國積隆左右肩。匡時人仰杜房賢。校庭縱是靈芝圃。豈效淮南遽學僊。